

ATAUTTIMUNGAQ TIRNIQ UMANI ILITARIYAUHIMA YUNUT
UQAUHIRNUT MALIGAQ
S.Nu. 2008,c.10

(Aturniqarniq uvunga: March 31, 2009)

Ilihimayauluni: Una Maligaq atuqtaulimaittuq pitquyauniq piliuqtautinnagu ataani titiraqtauhimayumi 49.

Hapkuat ilaujjutit piiyaqtauhimaliqtut pitjutinginni uumani atauttimungaqtirnirmut: s.43-mit talvunga 47-mut (Angitqiat Ihuarhautigiyauyut)

IHUARHAQTAUHIMAYUQ UUMUUNA:

Una atauttimungaqtirniq uqautigiyautjutiuppiangungittuq maligaqni. Piutauyuq havavikmi atauttimungaqtirniq ihuarnirmunniunnaq. Tapkuat atanngiqtitjutiqaqqtut titiraqtauhimayuq maligat ilitturittautiaqtaaqqtut taapkunanga *Ihuarhaqtauhimayuni Maligait Nunatsiap*, 1988 taapkunangalu Ukiuqtamaat Makpiraalurhimaniinni taapkunani Maligainni Nunatsiap (taapkununga maliganut angiqtauhimayunut tikitinngu April 1, 1999) taapkunangalu Maligait Nunavutip (taapkununga maliganut angiqtauhimayunut talvani qaangirhimaninganiluunni April 1, 1999).

Ajjiliuqtauhimayuq umani maligaani Nunavutip piyauttaaqtuq uumanga Ukiuqtaqtumi Titiraliuqti uumani titiqivian atpaniittumi. Ukuak Ukiuqtamaat Makpiraalurhimaniinni Maligainni Nunavutip uumanilu atauttimungaqtirnirmi hailihimayullu qaritauyakkuvikkut uumani
<http://www.justice.gov.nu.ca/english/legislation.html> kihimi uqautigiyautjutiuppiangungittuq maligaqmi.

Quyaginnait angiqtauhimayut Maligakhat tatja iliyauhimangittut taapkunani Ukiuqtamaat Makpiraalurhimaniinni Maligainni Nunavutip piyauttaaqqtut talvuuna Havaviani Titiraqtuup Maligaliuqvikmi.

Ukiuqtaqtumi Titiraqliuqti
Maligakhannguqtuliqiyiit
Maligaliqiyikkut
Nunavut Kavamat
P.O. Box 1000, Station 550
Iqaluit, NU X0A 0H0

Hivayaut.: (867) 975-6305
Kayumiktuq: (867) 975-6189
Qaritauyakkut: Territorial.Printer@gov.nu.ca

NAUNAITKUTI TAIHITJUTINI ATUQTAUYUT ATAUTTIMUNGAQTIRNIRMI

Quyaginnait

- c. unaguuq "nakataa".
- CIF unaguuq "atuqtiaulirningani".
- NIF unaguuq "atuqtaungittuq".
- s. unaguuq "titiraqhimayuq"unaluunniit "titiraqhimayut", "titiraqhimayut ilanga"unaluunniit titiraqhimayut ilangit", "takivyaktuq titiraqhimayuq"unaluunniit "takivyaqtut titiraqhimayut".
- Sch. unaguuq "hulivighaa".
- SI-005-98 unaguuq taamna maligaliurnirmut titiraqtitauhimaqyuq imaatut SI-005-98 1998-mi.
(Ilihimaluhi: Una Nunatsiap maligaliurutigiyaa piliuqtauhimakpat tikitinnagu April 1, 1999, taimalu Nunavutip maligaliurutigiyaa piliuqtauhimakpat talvani qaangirhimaninganiluunniit April 1, 1999 tikitinnagulu January 1, 2000.)
- SI-012-2003 unaguuq taamna maligaliurnirmut titiraqtitauhimayuq imaatut SI-012-2003 2003-mi.
(Ilihimaluhi: Una Nunavutip maligaliurutigiyaa piliuqtauhimayuq uumani qaangirhimaninganiluuniit January 1, 2000.)

Uqautauyut Maligait

- R.S.N.W.T. 1988,c.D-22 unaguuq Nakataa D-22-mi ? talvani *Ihuarhaqtauhimayuni Maligait Nunatsiaqmi, 1988.*
- R.S.N.W.T. 1988,c.10(Supp.) unaguuq Nakataa 10 Ilautjutauyuunmi talvunga *Ihuarhaqtauhimayuni Maligait Nunatsiaqmi, 1988. (Ilihimaluhi: Taamna Ilautjutauyuti ittuq pingahuni makpiraani.)*
- S.N.W.T. 1996,c.26 unaguuq Nakataa 26 talvani 1996-mi Ukiuqtamaat Makpiraaliurhimaniinni taapkunani Maligainni Nunatsiap.
- S.Nu. 2002,c.14 unaguuq Nakataa 14 talvani 2002-mi Ukiuqtmaat Makpiraaliurhimaniinni Maligainni Nunavutip.

**Ilihimayaqluni: Una Maligaq atuqtaulimaittuq pitquyauniq piliuqtautinnagu
ataani titiraqtauhimayumi 49.**

ILUANIITTUT HAPHUMA

Aullaqtirut

KANGIQHITJUTIT

Naunaiyaqhimayut	1	
Tun'ngavigyaukkut pitjutigiyauyuq, ilagiplugit		
nunaqaqqaaqhimayut pitjutigiyait, quulliqpaat	2	(1)
Quulliqpaat Ilitariyauhimayunut Uqauhirnut pitjutaita		(2)
Maligaq kigliungittuq		(3)

ILITARIYAUHIMAYUT UQAUHIIIT

Ilitariyauhimayut Uqauhiit	3	(1)
Qanurinnia		(2)
Inuinnaqtun		(3)

MALIGALIURVIK

Katimayut Maligaliurvingmi	4	(1)
Titiqqat makpiraaliuqhimayullu		(2)
Titiqqat makpiraaliuqhimayullu atuqhugu Inuit Uqauhiat		(2.1)
Nipiliuqhimayut		(3)
Maligat	5	(1)
Inuktituuqhimayut aatjikkutait maligakhat		(2)
Pitquyauhimayuq makpiraaliuriangani Inuit Uqauhiinnut		
numiktirinirmik		(3)
Ataniutjutikhalki Maligaq Inuit Uqauhiitigut		(4)
Maliruagakhat	6	

NUNAVUT GAZETTE

Titiraqhimayuq <i>Nunavut Gazette-mi</i>	7	(1)
Inuit Uqauhianut nimiktiriniq		(2)

AULAPKAINIQ APIQHUIYITKUNNIK

Maligaliqinikkut unalu maligaliqinikkut pitjutiqarluni	8	(1)
apiqhuiviliqinirni		(2)
Uqauhirilluarumayaayuq		(3)
Numiktiriniq apiqhuqtaunahuaqtuni		(4)
Numiktiriniq inungnut		

Atauttikkut numiktiriniq nutqaqattarluniluunniit uqaqtuyuq Ihumaliurutit kingulliit, pitquayayut kingullikkut pitquyauhimayullu	9	(5) (1)
Inuqarviit aallallu katitpakviuyut		(2)
Kinguvarniq tunihinahuarluni numiktitauhimayunik		(3)
Uqaqhuni kinguagut ihumaliurutinik ilaunngittuq		(4)
Uqariiqtauhimayuq unguvaqtauyunaittuq		(5)
Maliruagakhait Apiqhuiviup	10	

**TUHAQATTAQATIGIINGNIQ
IKAYUUTIKHALLU INUNGNUT**

Naunaitkuttat tuhaqatigiigutikhallu	11	(1)
Havaaraiyakhaa atan'nguyaqarviup		(2)
Aallat tuhaqatigiigutikhallu inungnut	12	(1)
Atan'nguyaqarvik havakviullaqtulluunniit		(2)
Aallat havakviit piumayuqaaqqat		(3)
Aallat havakviit aviktuqhimayuni timiuyuni		(4)
Ikayuutikhallu akhurutilgit uqauhilraamik		(5)
Uqaqhuni titiraqhunilu tuhaqatigiigutikhallu		(6)
Havaariyakhait atan'nguyaqarviup		(7)
Haamlatkut tuhaqatigiigutait ikayuutikhallu		(8)

AULAPKAINIQ KIUNNAQTULLU

Minista Uqauhirnut	13	(1)
Pitquyauhimayuq		(2)
Aturahualirnikkut qanuriliurutikhaq		(3)
Minista pitquilaatqutuq		(4)
Atan'nguyat Katimayiita munariyakhait		(5)
Inmiguurniq tutqikhiyayuq		(6)
Iilitariyauhimayunut Uqauhirnut Akhurutikhanut Akikhaq	13.1	(1)
Hulitjutaa		(2)
Maniutigiyakhait		(3)
Maliktakhaqaqtut tuniyauhimayut		(4)
Malighuarniq maliktakhalingnik		(5)
Havaariyauniq havaariquyayunut		(6)
Maniliqtuiniq nautigakhamik		(7)
Avatquumatjut nautigakhamit maniliurnirlu		(8)
Hiamtiriniq		(9)
Atugaqannanginniq		(10)
Kiinauyaliqinikkut Ukiuq		(11)
Maniqarviit		(12)
Angiqatigiiqutit	14	(1)
Aallat angiqatigiiqutit		(2)
Ministam ukiurmi unniutjutaa	15	(1)

Unniutjut uqautigiykhaqaqtukhaq aturahualirnikkut qanuriliurutikhamik	(2)
Unniutjut uqautiqarniaqtuq Ilitariyauhimayunut Uqauhirnut Akhuurutikhanut Akikhaq	(2.1)
Uqautigyauniq unniutjunmik	(3)

UQAUHILIQINIRMUT KAMISINA

**Tikkuaqtauniq, Havaktiit Havaariyakhaillu
Uqauhiliqinirmut Kamisinam**

Tikkuaqtauniq Uqauhiliqinirmut Kamisinamik	16	(1)
Ilaulaariangani		(2)
Aallat ayuiqhimayakhat		(2.1)
Kavamatkunni havaktiunngittuq		(3)
Kiglikhaa havangniata		(4)
Havakhimmaarniq kiglikhaq tikitillugu		(5)
Havaguirniq	17	(1)
Taimaaqtitauniq hungmat ayurnirmulluunniit		(2)
Nutqaqtinniq		(3)
Uqauhiliqinirmut Kamisinaullaktuq	18	(1)
Havangniata hivitunikhaa		(2)
Himmautigiyakhaa Uqauhiliqiniup Kamisinam	19	(1)
Havangniata hivitunikhaa		(2)
Tukhiut turaangayut himmautayumut Uqauhiliqinirmut Kamisinamut	20	
Havaktit	20.1	(1)
<i>Kavamatkut Havakinut Maligaq</i>		(2)
Qanurinnia Uqauhiliqinirmut Kamisinap		(3)
Ikayuqtikhamik pinahuarniq	21	(1)
Inirnikhat		(2)
Havaariyakhait Uqauhiliqinirmut Kamisinam	22	(1)
Naunaiyattiaqhimayut havaariyakhat		(2)
Havaktittiniq havaktauyukhanik aallanik ataniutjutikhaniqluunniit		(3)
Inuit Qaujimajatuqangit	22.1	(1)
Allat Inuit inuuqatigiikkut akhuurutigiyangit		(2)
Pilaitkutiqaqtuq qanuriliurutinit	23	(1)
Pihimaniq mikhaagut akikhaniutilaqutini hukhaun'ngiyainirmullu		(2)
Uqauhiliqinirmut Kamisinam ukiurmi unniutjutaa	24	(1)
Uqautigiyauyuq ukiurmi unniutjut		(2)

**Hiamititauyukhaunngittuq Tuhaqtittinirlu
Kangihiayukhanik**

Hiamititailiniq	25	(1)
Tuhaqtittiniq piyukhaugami		(2)
Tuhatittiniq qanuriliurutinut ataani Maligaum		(3)
Unniriaqanngittuq		(4)
Quulliqpaaq		(5)

Maliktakhat, qanuriliurutit titiqqallu

Maliktakhat, qanuriliurutit titiqqallu	25.1	(1)
Atulirniq <i>Maligaliurnirmut Maligarmik</i>		(2)

Ihvriuqhiniq

Tukhirniq ihvriuqhitikhamik	26	(1)
Uqauhiliqinirmut Kamisina aullaqtirilaaqtuq		(2)
Ihvriuqhinq		(3)
Atauttimungaqtiriniq ihvriuqhitjutinik		(4)
Pihimaniq ilaunyaq inungnik	27	(1)
Akiliqtakhaq		(2)
Qinngiyauyuq nutqaqturluunniit ihvriuqhiniq	28	(1)
Ihumagiyauyukhat		(1.1)
Kangihipkainiq ilaunyaq inungnik		(2)
Kangihipkainiq katimaqatigiingirlu	29	(1)
Katimapkaiyariaqanngittuq tuhaatjunmut		(2)
Ihvriuqhihimaittumik ihuaqhaitjutikhat	30	
Ihvriuqhinikkut pitjutigiyat qanuriliurutillu	31	(1)
Qaitquitjutit tuhaqtittinirlu		(2)
Aallat pitjugiyauvaktut		(3)
Kikliqaqtarningit		(4)
Itjuhikhaq		(5)
Qanuriliurniq ihvriuqhilraarluni	32	(1)
Aatjliuqhimayukhaq Hivuliqtimut Ministamullu		(2)
Unniutjutilu kiunirlu		(3)
Ihvriuqhinikkut unniutjut tuniyakhaq Maligaliurvingmut	32.1	(1)
Uqautigiyauyuq Ihvriuqhinikkut unniutjut		(2)
Kangihipkainiq ilaupkaqtauyunik inungnik	33	
Unniutjutit kangiqhitjutikhallu iniqtut	34	(1)
Aturniq unniutjutinik		(2)

**HAKUGINGNIUTIT
NUNAVUNMI MALIGALIQIYITKUNNI**

Hakugingniutinik aturahuarniq	35	(1)
Kiglikhanut naunaitkuttat		(2)
Tukhirniq kiglikhaq qaangiqtillugu		(3)
Aallat pitjutigiyakkut qanuriliurutikhat		(4)
Uqauhiliqinirmut Kamisina pinahualaaqtuq hanmiluniluunniit	36	(1)
Tukhiqtuq apiqhurvingmiilaaqtuq		(2)
Hapummilaaqtuq		(3)

IHVRIUQHIPHAARNIQ MALIGARMIK

Ihvriuqhiphaarniq qaangiqqata talliman ukiut	37	(1)
Qanuq anginia ihvriuqhiphaarniup		(2)

MALIRUAGAKHAT KATIMAQATIGIINGNIRLU

Maliruagakhat	38	(1)
Inmiguurniq tutqikhiyauyuq		(2)
Aallat piyakhat haviagiangani		(3)
Unniutjut hananikkut qanuriliurniagut		(4)
Unniutjut piumayuayumi maliruagakhakkut		(5)
Uqautigiyaa unniutjut		(6)
Katimaqatigiingnikkut naunaitkuttiqtuivik	39	(1)
Aturniq naunaitkuttiqtuivingmik		(2)
Kinamut piyaqtaarniq		(3)

NUUTITAULAARNIQ

Angiqatigigutit	40	
Uqauhiliqinirmut Kamisina	41	(1)
Piutigiyaq, pitjutigiyauyut piyahauyullu		(2)
Qanuriliurniq apiqhuivingmi	42	
Piiqtauyuq	43	
Piiqtauyuq	44	
Piiqtauyuq	45	
Piiqtauyuq	46	
Piiqtauyuq	47	

UTIQTIPHAARNIQ

Utiqtiphaarniq	48	
----------------	----	--

ATUQTAUNAHUALIRNIQ

Atuqtaunahualirniq	49	
--------------------	----	--

**Ilihimayauluni: Una Maligaq atuqtaulimaittuq pitquyauniq piliuqtautinnagu
ataani titiraqtauhimayumi 49.**

ILITARIYAUHIMAYUNUT UQAUHIRNUT MALIGAQ

Aullaqtirut

Ilitariniq Inuqarniq Nunavunmi qangaraalungmit, inuqarnirlu ahini Ukiuqtaqtumi, kangiqlihimayauyuq ilitaritjutigiplugu itjuhianik Kanatam;

Ilitariniq inuuqatiittiarniat Inuit Nunavunmi, uqauhiqaqhutik aatjikkiiktumik Inuit Uqauhiinnik, talvalu pihimaliqhutik nunaqaqqaaqhimayut atiinnik uvuuna atuqhugit mikhaagut Inuit pitquhiitigut tatjalu aturnianik nunanik nunaqarniallu, imarniglu nunamut naktingayuq hiku tajta Nunavunmiitut, pipkaqtaa Nunavut aatjikkutaqanngittuq iluani Kanatam;

Tutqikhiplugu tahamna, aatjikutarinngiplugu qanga hamna Inuit Uqauhiit maligakkut, inuuhirkkut pitquhikkullu ihumagilluaqtaunngitpaktuq kavamatkunni ahinilu, piumannaqtuq Inuit Uqauhiit ilitariyaulutik imaa

- (a) uqauhirilraariyait Nunavut,
- (b) uqauhirilugu aturumalugulu amigaitqianit Nunavunmiutanit,
- (c) ilitjutait hivuata inuatalu Nunavut, Inuillu inuuyut angiyumi ukiuqtaqtumi, unalu
- (d) iharianaqtuq piyakhaq uvani
 - (i) ihuaqhittiarutikhaa Inuit inuuhiringniat, maniliurahuarnikkullu pitquhikkullu inuuhiringniq, uqautigiyauhimayuq Nunavut Nunataarnikkut Angiqatigiigutimi, unalu
 - (ii) hananiq havaktinut ikayuutinik, kavamallu atuqtakhainnik, atuqtukhaniglu ikayuutikhallu, uqautigiyauhimayuq Nunavut Nunataarnikkut Angiqatigiigutimi;

Piumaplugit aturiangani Inuit Uqauhiit, Qaplunaatut Uiviititullu Iilitariyauhimayut Uqauhikhat Nunavunmi, piqarluni nalliriiktunik qanurinniagut unalu aatjikkiiktuniglu pitjutiqarluni pivikhainniglu Iilitariyauhimayut Uqauhiit;

Tutqikhaqhugu Inuit Nunavunmiuttat pitqutituqatut pitjutiqaqtut aturiangani Inuit Uqauhiinnik aatjikkutarilugit aallat Iilitariyauhimayu Uqauhiit, nakuuyullu qanuriliurutikhat ihariangaqtut tammaqtailiyaangani akhuurutigilugulu Inuit Uqahiat Inuit pitquhituqaillu atuqpagait, nalliriigutilugulu Kanatam nunaryuani piliqpagait, ilaupluni una *Hilaryuamiut Angirutautaat Inuuqatigiinut Kavamaliqinirmullu Pitjutigiyautinik* unalu *Hilaryuamiut Angirutautaat Piangaiyarnikkut, Inuuqatigingnikkut Pitquhikkullu Pijutigiyautinik* unalu *Katimaryuarniq Tammaqtailinirmut Akhuuqhaatinirmullu Aniguutinik Aallatqiiktunik Ilitquhiliqinirnik* anitihimayaagut Nunaryuami Katutjiqatigiit;

Takuhimaplugin aviktuqhimayuni timiuyut havaktakhalgit ataani Titiraqhimayumi 32-mi Nunavut Nunataaarnikkut Angiqatigiigutimi hanayaangani atuqtillugillu atuqtukhanik ikayuutikhainniglu kiuyakhainnik tikinnahuaqtainnut pinahuaqtainnullu Inuit, talvalu Nunavullu Kanatalu kavamauyuk atuqtakhalgit hakugiutkhainniglu nunataaarnikkut pitjutikhainnik Inuit;

Havaarilluarumaplugu tammaqtailiniq, akhurutigiplugulu annainahuaqhugulu Inuit uqauhiat, Inuit itquhiat Inuit pitquhituqatut itjuhiat Nunavunmi;

Piumapluni piyaangani maligakkut aturiangani Inuit Uqauhianik tamainnut kitunulluunniit havakviliqiplutik qanuriliurutinik Nunavutim talvani qanurlu ihuaqqat;

Pitjutiqarluni Uqaqtittiyip ataniutjutikhaqautaanik aturutikhaagut pitquhiitigullu Maligaliurviup unalu inmiguurniita apiqhuiyitkut Nunavunmi aulapkaiyaangani qanuriliurutimingnik aulayaangani ihuaqtumik maliklugit piumayait maligaliqinikkut atuni piyauvaktuni;

Akhurutigiplugu ikayuriangani talvalu pinahuarlugu Kanatami ilitariyauniq tun'ngaviliqinikkullu iliurainiq Inuit Uqauhianik tun'ngavikhauluni ilitariyaulunilu uqauhiuluni Kanatami Nunavut iluani;

Iilitarilugit ilitquhituqakkut, pitquhituqakkullu aatjikkutaqannginnialu tamaita pingahut Iilitariyauhimayunik Uqauhilgit nunallaat Nunavunmi tutqikhiplugulu akhurutigiyaa imaa

- (a) atulirluni naunaittiqhimayumik tuhaqattaqatigiingnirmik pilaarnirmiglu kavamatkut ikayuutikhainnik aturluni pingahunik Iilitariyauhimayunik Uqauhirnirk,
- (b) pihimalugu akhurutigilugulu Uiviititut Uqauhiq unalu hakugingnialu Uiviititullu Uqauhiqaqtuq nunallaaq, nalliriikhimaluni piyakhaita Nunavutim Kanatamlu, piyakhatingnullu tamarmik angiqhimayatik, unalu
- (c) pilutik inikhaanik qanuriliurutikhat atuqtakhainniglu timiuyut pitjutikhalingnik haphuminnga imaa Inuit Uiviititullu uqauhilgut nunallaat Nunavunmi tamarmik tammaqtailitjutiqariangani hakugikhyaanganilu pitquhikkut piliqpagatik, inuuqatigiingnitik ilitquhitiglu atuqtakhait hivunipta; unalu

Kangiqhimalugit, tun'ngavikkut qanurinniqarmata inuuqatigiittiarniit uqaqtauhimayut atuttiaqtakhallu Kanatam, aviktuqhimayullu nunat Inuillu tikinnahuaqtaita uuma Maligaum, imaa *Iilitariyauhimayunut Uqauhirnut Maligaum* aturniaqtait maligaliqinikkut piyauvaktunik pitjutiqarluni maligakkut;

Kamisinaa Nunavutim, talvuuna uqautjutaagullu angirutaagullu Maligaliurviup, maligannguqtiaa imaa:

KANGIQHITJUTIT

Naunaiyaqhimayut

1. Iluani uuma Maligam,

"atan'nguyaqarvik" naunaittuq imaa

- (a) Uvunga turaangayuq havakvianut Kavamat Nunavunmi, tuglia ministam,
- (b) Uvunga turaangayuq Malgaliurvingmut, Malgaliurvingmi Titiraqtii,
- (c) Uvunga turaangayuq Nunavut Apiqhuiyitkunnut, Naammaguhunngittut Apiqhuvianiluuniit, Titiraqtia Nunavunmi Maligaliqiyitkut,
- (d) Mikhaanut haamlatkut, haamlatkut atanianut, unalu
- (e) Mikhaanut inungnut timiuyunut, atan'nguyaqayuq unaluunniit, atan'nguyaqanngitpat, tikkuaqhimaya inuk Ministam maligakkut atan'nguyaqluni piyaangani iluaniittunik uuma Maligaum; (*administrative head*)

"Inuit Uqauhiit" naunaittuq imaa Inuit Uqauhiat naunaiyaqhimayuq *Inuit Uqauhiinnik Tammaqtailinirmut Maligarmi*; (*Inuit Language*)

"maligaliqinikkut unalu maligaliqinikkut pitjutiqarluni timiuyuq" naunaittuq ukua Nunavunmi Apiqhuiyitkut, Apiqhuiyini Uuktuphaarvik unalu tamaita timinnguqhimayut mligaatigut Nunavutim aturiangani maligaliqinirmik; (*Judicial or quasi-judicial body*)

"Maligaliurvik" naunaittuq Maligaliurviuyuq timingillu havakviillu, kihimi ilaunngittut havakviit Maligaliuqtit maligaliurvingmi; (*Legislative Assembly*)

"Aulattiniq Ikayurnirmullu Katimayiit" taapkua Aulattinirlu Ikayurnirmullu Katimayiuyut atuliqhimayaat *Maligaliurvingmi Atan'ngyuat Katimayiinni Maligata*; (*Management and Services Board*)

"Minista" una Ministauyuq Uqauhirnut uqautigiyauhimayuq 13(1)-mi; (*Minister*)

"Iilitariyauhimayut Uqauhiit" ukuat uqauhiit uqautigiyauhimayut titiraqhimayumi 3(1)-mi; (*Official Languages*)

"inungnut timiuyuq" naunaittuq, ahikkut kihimi pihimagumi maligakkut, timiuyuq imaa

- (a) atuliqtauyuq maligaitigut Nunavutim,
- (b) maliglugu pitquhimaya Ministam Atan'nguyat Katimayiitaluunniit, unalu
- (c) naunaiqtauhimagumi inungnut timiuyuq ataani titiraqhimayumi 1(1)-mi *Kiinauyaliquinirmut Aulapkainirmut Maligarmi*; (*public agency*)

"aviktuqhimayumi timiuyuq" naunaittuq

- (a) Kavamanga Nunavut,
- (b) maligaliqinikkut unalu maligaliqinikkut pitjutiqarluni timiuyuq,
- (c) Maligaliurvik, unalu
- (d) inungnut timiuyuq. (*territorial institution*)

Tun'ngavigyaukkut pitjutigiyauyuq, ilagipluginit nunaqaqqaaqhimayut pitjutigiyait, quulliqpaat

2. (1) Uvani Maligarmi kangiqhimayauyukhaunngittut nutqaqtinnahuarlugit ahinunngaruhuarluniluuniit uvanna

- (a) qanurinniat tun'ngavigyuakkut aallalluunniit pitjutiinnik Qaplunaatut Uiviititullu uqauhirnit;
- (b) tatja atuqtauyuq nunaqaqqaaqhimayut pitjutailluunniit nunaqaqqaaqhimayut inuit Kanatami ataagut titiraqhimayumi 35-mi *Tun'ngavigyuamut Maligarmi*, 1982, ilauluni kigliginngillugulu uvunga,
 - (i) pinahuaqtait, pitjutigiyait piyakhatiglu iliyauhimayut Nunavut Nunataarnikkut Angiqatigiigutimi, ;?
 - (ii) quyaginnaq munariyakhaq aturiangani iharianaqtuq hakugikhitjutikhampik uvunga Nunavut Nunataarnikkut Angiqatigiigutimut;
- (c) kitut maligakkut pitquhikkulluunniit pitjutigiyaita piyauhimayut inungnit uqauhirminut pihimalutik, kinguagut iniqqalluunniit atulirnia haphuma Maligam; unaluunniit
- (d) kitut munariykhait Kanataup Katimavikyuanga Kuin Kivgaqtuqtaapluni Kanataup Kavamkuinnullu ihumagipluginit uqauhiqaqtut pitquhikkullu ilitquhiqaqtulluunniit Inuit aallalluunniit uqauhiliqinirmut ikitqiat Nunavunmi.

Quulliqpaat Ilitariyauhimayunut Uqauhirnut pitjutaita

(2) Iluanittuq titiraqhimayuni 3, 4, 5, 7, 8, 9, 11, 12-miluunniit ihuitpat ihuitjutaukpalluunniit iluanittutnut Maligarmi ahiagut *Nunavunmi Inungnut Pitqutigiyauyunut Maligaup*, iliuraqhimayut uvani Maligarmi atuqtauniaqtut.

Maligaq kigliungittuq

(3) Kitut uvani Maligarmi kangiqhimayauyukhaunngittut pitquunngitplugin aviktuqhimayut timiuyut haamlatkulluuniit piyaangani angirianganiluunniit uqauhikkut ikayuutikhnik ahiaguuqhimakpata haphuma Maligaum maliruangitalu.

ILITARIYAUHIMAYUT UQAUHIIIT

Ilitariyauhimayut Uqauhiit

3. (1) Inuit Uqauhiit, Qaplunaatut Uiviititullu Ilitariyauhiamayut Uqauhiit Nunavutim.

Qanurinnia

(2) Titiraqhimagumut qanurlu naunaiqhimayumi ataani uuma Maligaum Iilitariyauhimayut Uqauhiit Nunavutim piqutiqaqtuq aatjikkiigutinik pitjutiqaqhutiglu atuqtaugumik aviktuqhimayuni timiuyuni.

Inuinnaqtun

(3) Aturniagut Inuinnaqtun, una Maligaq kangiqhimayauyukhaq atuqtaulunilu naunaiyaqhimayumi imaatut hapkua hivulliutilugit

- (a) annaumanahuarniq Inuinnaqtunmik; unalu
- (b) ihuaqhittiaqhimayunik pilaarniq ikayuutinik titiraqhimagunik 8-mit 12-mut nunallaani Inuinnaqtun uqauhirlaariyaani.

MALIGALIURVIK

Katimayut Maligaliurvingmi

4. (1) Inuit tamaita atuinnalaaqtut quyaginnaq Iilitariyauhimayumik Uqauhirmik katimaqatiginirni aallanilu piyainni Maligaliurviup.

Titiqqat makpiraaliuqhimayullu

(2) Titiqqat makpiraaliuqhimayaillu Maligaliurviup titiraqtauhimaniaqtuq makpiraaliuqtauhimalutiglu aturlugit Qaplunaatut Uiviititullu, tamaitalu aatjikkutariingnirmik nalliriiglutik.

Titiqqat makpiraaliuqhimayullu atuqhugu Inuit Uqauhiat

(2.1) Uqaqtittiyi, pitquaugumi Maligaliurviup Maniliqinirmut Katimayiralaanginnit, imailiulaaqtuq

- (a) pitqulugu Inuit Uqauhiinnut numiktiqhimatqulugit titiqqat makpiraaliuqhimayulluunniit Maligaliurviup makpiraaliuqtaulutik; unalu
- (b) ataniutjutikhaniklugu Inuit Uqauhianut numiktiqtauhimayut titiqqat makpiraaliuqhimayullu Maligaliurviup.

Nipiliuqhimayut

(3) Aatjikkutainnik nipiliuqhimayunik katimaplutik uqautigiiqattarninik Maligaliurviup, aatjiliuqhimaittumik numiktitauhimayuuuplutiglu, tuniyauniaqtut quyaginnaq inungnut nakuuyumik tukhiqtaukpat.

Maligat

5. (1) Maligait Maligaliurviup hanayauniaqtut makpiraaliuqtaulutiglu Qaplunaatut Uiviititullu tamarmiglu taapkua aatjikkutariiglutik ataniutjutiqarniaqtuk.

Inuktituuqhimayut aatjikkutait maligakhat

(2) Inuktituuqhimayuq aatjikkutaa maligakhap hailiyukhaq talvuuna maligakhaq nuitauhimaliqtilugu.

Pitquyauhimayuq makpiraaliuriangani Inuit Uqauhiinnut numiktirinirmik

(3) Kamisina Atan'nguyat Katimayiinni, pitquilaaqtuq, Inuit Uqauhiinnut numiktiqhimayumik maligarmik Maliganikluunniit makpiraaliuriangani.

Ataniutjutikhalkalik Maligaq Inuit Uqauhiitigut

(4) Maligaliurvik, pitquhimayaatigut Atan'nguyat Katimayiita, uqariiyautikkut, tikkualaaqtut Inuit Uqauhiinnik ataniutjutikhalingmik.

Maliruagakhat

6. Uqaqtittiyi, pitquhimayaagut Aulattiniq Ikayurnirmullu Katimayiit-kut, maliruagakhaliulaaqtuq kitukkut piluni, qanurlu, kitumik aturluni piyakharlu tamaat ihuaqtumigluunniit iliyauhimannngittuq uvani Maligarmi Uqaqtittiyi, pitquyaugumi Aulattiniq Ikayurnirmullu Katimayitkunnit, ihariagigumiuk Maligaliurvik piyakhatik piyaangani maliglugit titiraqhimayut 4, 5, 11, 12-mi, malirualiuqhimayullu mikhaanut apqutinut naunaikutit, tuhaqtauyukhat, numiktiriniq, uqaqtioniq, tunihiniq tuhaqtauyukhanik kinamut, havaktakhaillu havaktit Maligaliurvingmi.

NUNAVUT GAZETTE

Titiraqhimayuq *Nunavut Gazette-mi*

7. (1) Tuhaqtitjutauyuq pitquyauhimayuq maligakkut titiraqtauhimayukhaq unalu ilitquyauhimapluni *Nunavut Gazette-mi* pitjutiqalaittuq hakugiktuqautiqanngitturlu titiraqtauhimanngitkumi makpiraaliuqtauhimanngitkumilu Qaplunaatut Uiviititullu.

Inuit Uqauhianut nimiktiriniq

(2) Kamisina Atan'nguyat Katimayiinni, pilaaqtuq, pitquluni,

- (a) pitqlugu iliurarnia, *Nunavut Gazette-mi*, Inuit Uqauhiinnik atuqtuq atauhirmik amigaivyaktunigluunniit tuhaqtitjutikhanki pitquyahimayuq maligakkut iliuraqtauhimaluni *Nunavut Gazette-mi*; unalu
- (b) pipkarluni imaa Inuit Uqauhiinik atuqtuq atauhirmik amigaivyaktunigluunniit tuhaqtitjutauyunik maligakkut pitquyauhimayuq iliuraqtauluni *Nunavut Gazette-mi* ataniutjutiqaqtukhaq.

AULAPKAINIQ APIQHUIYITKUNNIK

Maligaliqinikkut unalu maligaliqinikkut pitjutiqarluni apiqhuiviliqinirni

8. (1) Apiqhuiviliqigumik ukuat maligaliqinikkut unalu maligaliqinikkut pitjutiqarluni timiuyut Ilitariyauhimayut Uqauhiit atuqtaulaaqtut

- (a) kinaliqaak inuk, pitinnani, apiqhuqtaugumi, piqutiqarumi maligaliqinikkut pitjutiqarluni timiuyumit;
- (b) hivuliqtiuyuq ilauyuq unalu maligaliqinikkut pitjutiqarluni timiuyunit.

Uqauhirilluarumayaayuq

(2) Pitjutigiyauyuq tuniyauhimayut titiraqhimayumi (1)-mi atuqtauniaqtut inuk kangiqhimanngitkaluaqqaq uqayuitkaluaqqalluunniit aallamik uqauhirmik.

Numiktiriniq apiqhuqtaunahuaqtuni

(3) Katimayut takuhimayurluunniit apiqhuqtaunahuaqtuni piyaqtuq

- (a) tukhilaaqtuq pilunilu numiktirinirmik Iilitariyauhimayumik Uqauhirmik piyumayamini,
 - (i) naunaiyaqhimayumi tapkunanga Nunavut Apirhuiyitkunnit Naammaguhunngittunullu Apiqhuivikmit ataani titiraqtauhimayumi 10, uvvaluunniit
 - (ii) naunaiqhimayumi titiraqhimayumi 38(1)(c)(i) taapkununga maligaliqinikkut pitjutiqaqtumu; uvvalu
- (b) kangihipkaqtauyukhaupluni uuminnga pitqutikhamik tukhiqtinnani numiktirinirmik.

Numiktiriniq inungnut

(4) Maligaliqinikkut unalu maligaliqinikkut pitjutiqarluni timiuyut pitquhimaniaqtait katimaviit numiktiritukhanik apiqhuivingni, hapkuallu takuyakhat tuniyauhimayut piyahimayullu, aturluni quyaginnaq Iilitariyauhimayunik Uqauhirnik imaitpat

- (a) katimayut katimatjutauyunik inungnut tuhaqtakhaunigumigit piqutigiyauhunngukpataluunniit; unaluunniit
- (b) katimayut nakuugigumiuk tuharnaqtakhait inuit naalagahuaqhimayut katimayunik.

Atauttikkut numiktiriniq nutqaqattarluniluunniit uqaqtiusuq

(5) Taamna numiktiriniq uqautigiyauhimayuq uvani imailiuqhimaniaqtuq

- (a) atauttikkut numiktiriniq, numiktirikpata Uiviititut Qaplunaataullu; unalu
- (b) nutqaqattarluni atauttikkulluunniit numiktiriluni ikayurutiukpat Inuit Uqauhianut, naunaiqhimayaani maligaliqinikkut unalu maligaliqinikkut pitjutiqarluni timiuyuuni ihumagilugu, qanurittuanut piyahuaqtup, kitu aturiangani ihuatqiyangmangaat ihumagilugit nakuuyumik muniaryauyaangani.

Ihumaliurutit kingulliit, pitquyauyut kingullikkut pitquyauhimayullu

9. (1) Kinaliqaak inuk hivuaniituq maligaliqinikkut unalu maligaliqinikkut pitjutiqarluni timiuyut tukhirumi pitlaaqtuq Iilitariyauhimayumik Uqauhirmik aturluni piumayaminik, titiraqhimayumik nipiliuqhimayumigluunniit numktirihimayunik kingullikkut ihumaliurutimik, pitquyauhimayumik kingullikkut pitquyauhimayurlu.

Inuqarviit aallallu katitpakkviuyut

(2) Kingullikkut ihumaliurutit, pitquyahimayut kingullikkut pitquyahimayurlu tuniyauhimayuq maligaliqinikkut unalu maligaliqinikkut pitjutiqarluni timiuyunit piyahimayukhat numiktiqhimalutik ukunani

- (a) aippait Iilitariyauhimayut Uqauhiit kingullikkut ihumaliurutit, pitquyahimayulluunniit kingullikkut pitquyahimayurluunniit ihuaqhitjutigikpagu apiqqutauhimayuq maligarmut inuit tuhaqtakharikpagu piqtaukpalluunniit Nunavunmut;
- (b) aippaa Iilitariyauhimayuq Uqauhiq kingullikkut ihumaliurutit, pitquyahimayulluunniit kingullikkut pitquyahimayurluunniit ihuaqhitjutigikpagu apiqqutauhimayuq maligarmut pitjutigikpaguluunniit Iilitariyauhimayunut Uqauhilgit nunallaat; unaluunniit
- (c) aalla Iilitariyauhimayuq Uqauhiq ihumaliuqtauhimayuq, pitquyahimayuq naunairutauhimagumik piyaayumayunut piqtauyaanganilu ilauyumut aturumi Iilitariyauhimayumik Uqauhirmik katimatillugit.

Kinguvarniq tunihinahuarluni numiktitauhimayunik

(3) Maligaliqinikkut unalu maligaliqinikkut pitjutiqarluni timiuyuq pitquilaaqtuq Iilitariyauhimayunik Uqauhirnik aturluni numiktirutinik kingullikkut ihumaliurutimik qakugu piyaayukhamik atauttikkut numiktiriniit atauhirmut amigaivyaktunulluunniit Iilitariyauhimayumik Uqauhirmik numiktirutait kingullikkut ihumaliurutimik, pitquyahimayumik, kingullikkut pitquyahimayurluunniit titiraqhimayumi ataani (1)-mi (2)-miluunniit kinguvaqtaukpat

- (a) ihuitjutigiyaukpat inungnut; unaluunniit
- (b) ihuinaarutaukpat ayuqhautigiyaukpaluunniit katimayunut apiqhuqhirvingmi.

Uqaqhuni kinguagut ihumaliurutinik ilaunngittuq

(4) Huna uvani titiraqhimayuni kangiqhimayaayukhaunngittuq pitquhimannngillu uqainnaqhuni numiktiriniq pipkarnialuunniit atauhiinnaramut Iilitariyauhimayunut Uqauhirnut kingullikkut ihumaliurutimik, pitquyahimayumik kingullikkut pitquyahimayuq, hunallu ihumagiyariplugit piyakhat.

Uqariiqtauhimayuq unguvaqtauyunaittuq

(5) Titiraqhimayut uvani, iluaniluunniit 8, ihuitjutigiyunaitait uqariiqhimayut ihumaliurutinut kingullirmi, pitquyahimayunulluunniit uvunga Maligarmut piqutigiyauyuq.

Maliruagakhait Apiqhuiviup

10. Angiqliqagu Kamisinam, Nunavunmi Maligaliqiyitkut Nammaguhunngittunullu Apiqhuiviup maliruagakhanik hanallaqtut pittiarluni kitunik, qanurlu piyakhuayuniglu tamaat iliyauhimannngitpata ihuitpataluunniit uvani Maligarmi atuqtauliqtunulluunniit, ilaqlutik apqutit naunaitkutakhainnik, tuhaqtitjutikhat, numiktiqtauhimayut,

uqaqtuyunilu tunihinirlu tuhaqtauyukhanik, aallaniglu havaariyakhainnik apiqhuiyt atan'nguyaitalu apiqhuiviit ihariagiayayut maligiangani titiraqhimayut 8, 9, 11, 12-milu.

TUHAQATTAQATIGIINGNIQ IKAYUUTIKHALLU INUNGNUT

Naunaitkuttat tuhaqatigiigutikhallu

11. (1) Tamaita aviktuqhimayuni havakviuyut imailiurniaqtut

- (a) ililugit takuyakhait inuit naunaitkuttat, piqaqqat, aturlugit Iilitariyauhimayut Uqauhiit;
- (b) tuhaqatigiigutikhaitik titirarlugit turaangayut tuhaqtakhait inuit Iilitariyauhimayunut Uqauhirnut; unalu
- (c) kangiqhimalugu atuni Iilitariyauhimayumik Uqauhirmik aturiangani ilangani naunaitkuttap tuhaqatigiigutikhami uvunga atuqtukhaq titiraqhimayuni nakuuyaangata takuyaayukharluunniit aatjikkiiktumik takuyauyaangani, pitqutigilugu aksurnianullu tamaita Iilitariyauhimayut Uqauhiit atuqtauvaktut.

Havaaraiyakhaa atan'nguyaqarviup

(2) Atan'nguyaqarvia aviktuqhimayumi nunami timiuyup havaariyakhaqaqtuq titiraqhimayumi (1)-mi atulirniaqtuq pihimalunilu una aulapkainikkut atuqtukhanik iharianaqtut atuliriangani uvani titiraqhimayut.

Aallat tuhaqatigiigutikhait ikayuutikhallu inungnunut

12. (1) Kinalqaak inuk Nunavunmi pitjutiqaqtuq tuhaqatigiigutikhaimik pilaarlunilu ikayuutikhainnik aviktuqhimayumi nunami maliglugit titiraqhimayut uvani.

Atan'nguyaqarvik havakviullaqtulluunniit

(2) Tamaita aviktuqhimayuni nunani timiuyuq havaakhaqatuq piyaangani aquyaginnaq inuk Nunavunmi tuhaqatigiigutikhainik pilaarlunilu ikayuutikhainik atan'nguyaqarvingminit havakviullaqtunilluunniit Iilitariyauhimayunut Uqauhirnik.

Aallat havakviit piumayuqaqqat

(3) Aviktuqhimayuni havakvik munariyakhaqaqtuq naunaiqhimayumik titiraqhimayumi (2)-mi aallanut havakvingminut amigaittunit tukhirviugumik tuhaqattaqatigiigutikhainik talvunga ikayuutikhainullu havakvianit Iilitariyauhimayunut Uqauhirnut takunnaqtuni hapkunani:

- (a) qanuq anginia inuqarniup havakvingmit munariyauyuq tikkuaqhihimayumit Iilitariyauhimayumik Uqauhirmik aturiangani hivullirmik atulluarumayaniluunniit uqauhiq, itjuhingillu tahapkua inuqarniit;
- (b) qanuq anginia tuhaqattaqatigiingiup havakvingmit inungniglu atuqhutik Iilitariyauhimayunik Uqauhinik.

Aallat havakviit aviktuqhimayuni timiuyuni

(4) Aviktuqhimayuni timiuyuq havaariyakhalik naunaiqhimayunik titiraqhimayumi (2)-mi ihumagiplugit aallat havakviit havakvia qanuritpat ahiagut

nakuukpat tuhautiqattautit ikayuutillu havakvingmit taaphumannga piyaulaaqqata
Iilitariyauhimayunik Uqauhirnik, takunnaaqqata hapkunuuna:

- (a) qanuq anginia, pitquitigitjutaa pilluarutigitjutaaluunniit ikayuutit uqaatigiyauyut inungnut naunaittiqhimayumi nunami, aviktuqhimayumiluunniit tamaanut ahiniluunniit nunami;
- (b) qanuq nakuuniit ikayuutit uqaatigiyauhimayut aanniaqtailinikkut, aanniaqtailinirmut, pihimanialu inuum aatjikkutailuunniit havaktakhauyut maliquhimayainni maliruagakhap.

Ikayuutikhat akhuurutilgit uqauhilraamik

(5) Titiraqhimagaluaqhuni (3)-mi (4)-milu, piqutigiplugu ihumagiyaupat uqauhirmik tammaqtailinirmut ilagiutiyauvallianirluunniit Kamisina Atan'nguyat Katimayiinni imailiulaaqtuq, maligakkut, imaa havaariyakhaq naunaiqhimayuq titiraqhimayumi (2)-mi turaangakpat havakvianut Kavamangata Nunavut inungnulluunniit timiuyumut uvuuna tuhaqattaqatigiigutait ikayuutillu, piyaulaarniilluunniit qanurlu tuniyauniit, pitquitiqaaqqata annaumayuutinik uvuuna akhuurutimigluunniit aturnianut uqauhilraanganut nunamut inungnulluunniit.

Uqaqhuni titiraqhunilu tuhaqatigiigutikhat

(6) Uvani titiraqhjimayuq atuqtauyukhaq uqaqhuni titiraqhunilu tuhaqatagiigutinut.

Havaariyakhait atan'nguyaqarviup

(7) Atan'nguyaqarvia aviktuqhimayuni nunani timiuyup havaakhalik titiraqhimayumi (2)-mit (5)-mut ihuaqtunik piniaqtuq ihuaqtunik, nakuuyumik uumunga Maligarmut, ilaqlarluni iliurainirmik naunaitkuttanik, imaa naunaitkuttat aallanigluunniit pigumi ihuaqtunik imaa

- (a) pitjutigiyakhaqarluni ikayuutikhanik uqautigiyauhimayunik, kangiqhipkarlugit inuit pitjutikhaqaqtut tuhaqatigiigattariami pilaarlutiglu ikayuutikhanik Iilitariyauhimayunut Uqauhikkut;
- (b) pitjutikhaqarluni ikayuutikhat uqautigiyauhimayut
 - (i) pilaarlugit inuit tukhirumigit,
 - (ii) tuniylarluni ihumagilugit pitquhiinnut ihuaqtunut aturuminarnianullu, unalu
 - (iii) nakuutqiyaqluni;
- (c) atulirlugit titiraqhimayut ihumagilugit tamaita tuhaqattaqatigiigutitik ikayuutillu inungnut, ilagilugit tuhaqattaqatigiingniit ikayuutilluunniit tuniyauhimayut kaantulaakkut pingahuuyumit ilauyumit, unalu
- (d) atulirlutik pihimalutiglu aulanikkut atuqtukhanik iharianaqtut aturiangani uuminnga titiraqhimayumik.

Haamlatkut tuhaqatigiigutait ikayuutikhaillu

(8) Amigaittuqaqqat tukhiutimik tuhaqatigiigutigiyauyukhanik ikauuyitkhaniglu Iilitariyauhimayumi Uqauhirmi haamlatkunni, atan'nguyaqarvia haamlatkut

havaariyakhaa imaa inuit piyukhauuyut ihuaqhihimayunik nunallaami tuhaqtitautjutikhainnik ikayuutikhainiklu pilaaqtait Iilitariyauhimayunut Uqauhikkut.

AULAPKAINIQ KIUNNAQTULLU

Minista Uqauhirnut

13. (1) Minista Uqauhirnut, tikkuaqhimayaa Kamisinam uqatjaulraaqhuni Hivuliqtimit atuqhugu titiraqhimayuq 66-mi *Maligaliurviup Atan'nguyallu Katimaiinnut Maligaq, Maligaliurvingmi Atan'nguyallu Katimaiita Maligaa*, munariyakhaa aulapkainiq uminnga Maligarmik maliruagakhaliuqhimayullu.

Pitquyauhimayuq

(2) Minista imailiurniaqtuq

- (a) akhuerutiginiaqtaa ikayurlugulu aatjikkiiktunik qanurinnia Iilitariyauhimayut Uqauhiit, tamaanullu kangiqhilugu aturniillu pitjutigiyauvaktut aturvikhailu qanuq aturaangat Iilitariyauhimayunik Uqauhirnik titiraqhimayut uvani Maligarmi;
- (b) akhuerutiginiaqtaa ihuarnia aturuminarnialu uuma maligiangani Maligarmik aviktuqhimayunit havakvingnit haamlatkunnillu;
- (c) tutqikharlugu atulirnia, munarinia, aulapkainia ihivriuqhinialu uquahiliqinirmut piyauykhat, atuqtukhat, piyakhallu ikayuutikhallu havakvingnit Kavamaita Nunavutim inungnllu timiuyunit; unalu havaaarilugit allat havaktakhat qanuriliurutillu Kamisina Atan'nguyat Katimaiinni.
- (d)

Aturahualirnikkut qanuriliurutikhaq

(3) Minista imailiurniaqtuq, katimaqatigilugit aviktuqhimayuni timiuyut haamlatkullu

- (a) hanalutik pihimalugulu kangiqhittiarnaqtumi qanuriliurutikhanik aturahualirniagut uquahiliqinirkut piyakhainnut, atuqtukhanut, atuqtakhanut ikayuutikhainullu havakvingit Kavamaita Nunavut inungnilu timiuyut;
- (b) ilaqlarluni qanuriliurutikhanik atuqtukhani
 - (i) ihivriurlugit pilunilu imaa ilauuyut inungni aturahuat tunihilutigluunniit tuhaqtigiiutikhaniq ikayuutikhaniq gluunniit tuhinahuaqqata inungnut aturlugu Iilitariyauhimayuq Uqauhiq nakuuyumik uqalaarluni titiralaarluni luunniit ayunngilunilu,
 - (ii) tikkuaqhimaluni amigaittunik ihuaqtunik havaakhainnik inungnut atuqtittyaangani piyauykhat havaariyakhaillu naunaiqhimayut uvani Maligarmi,
 - (iii) munarilugit ihivriurlugillu havakvingit Kavamaita Nunavut inungniluunniit timiuyut ataani uuma maligaum unalu Inuit Uquahinginnun Tammaqtailinirmut Maligarmi, ilagilugu qangannguraangat ihivriuqhiniq qauyiha inirluunniit maligiangani qanuq ihuarnianullu,

- (iv) ihivriurlugit maligait Nunavutip atuqtukhallu piutait Kavamangata Nunavut piyaangani aulahimainniit, maligianganilu ihuarniillu aturiangani akhuerutigilugillu pinahuaqtait uuma Maligaum unalu Inuit Uqauhinginnun Tammaqtailinirmut Maligaum, unalu
- (v) hanaugarihimmaarlugu, aturluni havautikhamik ihuaqtunik naivyaktunik hivituyuniglu tikinnahuaqtakhamingnik, taiguuhiliqiniq, ayunnginniit havaktuliqiniillu piyauyukhat atuqattaqpagiangani Inuit Uqauhiinnik akhut havaakhani pilugit mikhaagut Inuit Uqauhiinnut qanuq ilagingmangaat maliganut aulapkainirmullu maligaliqinirmik Nunavunmi;
- (c) ilaupkarluginut Inuit hanaliqqat hivulliuyukhanik, hananiagut pihimaniagullu atuqtukhat, munarinirmiglu qayihainirmiglu kinguagut qanurinniita pinahuaqtauyum, piluni taimaa ihuaqtumik Titiraqhimayumi 32-mi Nunavut Nunataarnikkut Angiqatigutimi; unalu
- (d) ilaupkarlugik Qaplunaatut Uiviititullu uqahilgit nunallaat inuillu timiuyulluunniit pitqutigiyariyaukpata pinahuaqtauyumit hanaplugit hivulliuyukhat, hananiagut pihimaniagullu atuqtukhat, munarinirmiglu qayihainirmiglu kinguagut qanurinniita pinahuaqtauyum, mikhaaguqhimakpata naunaiqhimayainnut piumayainnut.

Minista pitquilaaqtuq

(4) Ministam pitquilaaqtaa atan'nguyaqarvia havakviani Kavamaita Nunavut, inungnut timiuyuq haamlatkulluunniit

- (a) tunitquilugit ukiuq iniqqat hivituyutqiamigluunniit aturahualirnakkut qanuriliurutikhanik ihumagiyauyukhamik titiraqhimayumi (3)-mi; unalu
- (b) pilugu kangiqhitjutikhaq Ministam ihariagikpagu atuqtakhani hakgingiutait havaariyaanganiluunniit havaktakhani ataani uuma titiraqhimayum.

Atan'nguyat Katimayiita munariyakhait

(5) Atan'nguyat Katimayiit imailiurniaqtut

- (a) angirlugu, qinngilugu, aallannnguqtirlugu utiqtiphaarluguluunniit Ministamut uqautilugu piyakhainnik, pinahuaqtauyuq hanayauhimayuq atuqhugu titiraqhimayuq (3)-mi, kitullu ihuaqhautigiyauyut pinahuaqtauyumut piumayauyut; unalu
- (b) piluni piumaluniluunniit qangannguraangat unniutjutinik Ministamit, atan'nguyaqarvingmilluunniit havakviani Kavamaita Nunavut inungnut timiuyumilluunniit, mikhaagut havangniata aturniatalu pinahuaqtauyum.

Inmiguurniq tutqikhiyauyuq

- (6) Aturahuaqhugit pitjutait havaariluglillu havaakhat ataani uuma titiraqhimayum, Ministaa Uqauhirnut malingniaqtait
- (a) pitjutigiyauyut, ilaupkaqtalitjutit, atuqpaktakhailu pitjutigiyailu maligaliurviup ilangitalu; unalu
 - (b) inminiirutit, atuqpaktakhait pitjutigiyailu Nunavunmi Maligaliqiyitkut Naammaguhunngittullu Apiqhuiviit.

Ilitariyauhimayunut Uqauhirnut Akhurutikhanut Akikhaq

13.1. (1) Ilitariyauhimayunut Uqauhirnut Akhurutikhanut Akikhaq atuqtauliqtuq maniqarviupluni uvani Atauttimunngaqhimagut Man'ngit Akikhaulutik.

Hulitjutaa

- (2) Man'ngit akikhani atuqtauyukhat akhurutigilugit hapku:
- (a) ilitarilugu hivmuuqtillugulu aatjikkutariingniq, pilaarutait atulaarutikhaillu Ilitariyauhimayut Uqauhirnut;
 - (b) hakugikhilugik uqauhiliqiniq pitquhikkullu uqauhiuyut aturlugu Ilitariyauhimayut Uqauhiit, aturlugit allatqiit tuhaqtakhaliqitjutit;
 - (c) nakuuhilugu Inuit Uqauhiatigut titirarniq taiguarnirlu ayunnginnirlu utiqtiffaarlugu uqauhiq tammaliruhiraluanganit nungutaulirutigaluanganillu;
 - (d) hananiq annaumanirlu Inuit Uqauhiinnik ikayurlugulu aturhimmarninga atuinnariangani uqauhirmik ilihautini, havakvingni upluq tamaallu inuunirmi Nunavunmi;
 - (e) ihuaqhittiarlugu inuit, Kanatami Hilaryuamilu ilihimayaangani kangiqhiyaanganilu uuminngaa Maligarmik, *Inuit Uqauhinginnun Tammaqtailinirmut Maligaq* unalu uqauhiliqinirlu pitquhinkkullu aittuqtauhimayut, ilitquhiliqiniq takuyumayaillu Nunavunmiut;
 - (f) hakugikhilugit hakugingniit Uiviitit Inuillu Uqauhiinnik atuqpaktut nunallaani hanalutiklu nakuuyumik avatikhamingnik pitquhikkut atuqtakpatmingni inuuahirminullu Nunavunmi.

Maniutigiyakhait

- (3) Ukua iliyauyukhat manikhat akikhainnun:
- (a) man'ngit tunitquyauhimayut apiqhuivingmit iliyakhait tutquumavingmut;
 - (b) akiliqtakhat pihimayait atuqhugu *Anullakhiitjutikhat Mikitqiat Atugaghanut Maligaq* mikhaagut ihuinaarnikkut ataani titiraqhimayumi 27-mi uvani Maligarmi iluaniluunniit titiraqhimayumi 33-mi uvani *Inuit Uqauhinginnun Tammaqtailinirmut Maligarmi*;
 - (c) aittuutit, inungmut naunaiqhimayaminut aittuutit, tuniyauhimayut tamaitalu aallat tuniyauhimayut ililugit tutquumavingmut;
 - (d) aulayuq akitiyunut iliyauyukhaq tutquumavingmut, akililaqtaa Ministap maningnit tiguhimayaannit maligaliurviup atuqtakhaa talvunga.

Maliktakhaqaqtut tuniyauhimayut

(4) Minista imailiulaaqtuq

- (a) piluni tuniyauhimayunik, inungmut naunaiqhimayaminut aittuutit akiliqhimayalluunniit maliktakhalgit ukua maliktakhait imaitpata, ihumaatigut Ministap, ihuaqqata qanuriliurutikhaanut tutquumaviup; unaluunniit
- (b) qinngilaaqtaa kikliqarhimayunik, tuniyauyumayuq, inungmut naunaiqhimayaminut aittuutit akiliqtakharluunniit.

Malighuarniq maliktakhalingnik

(5) Talvani Minista pigumiuk tuniyauhimayuq, inungmut naunaiqhimayaminut aittuut akilqtakharluunniit maliktakhaliukpata, Ministap maliktakhariyait tahapkua maliktakhalgit.

Havaariyauniq havaariquyauyunut

(6) Minista tikkualaaqtait inuit ikayuqtukhaat Minista aulaniagut tutquumaviup.

Maniliqtuiniq nautigakhamik

(7) Kihiani angiqtauhimakpat ataani titiraqhimayumi (9)-mi, Minista maniliqtuiniaqtuq nautigakhamik pihimayani maniutigiyakhainnunut tutquumaviup maliglugu titiraqhimayuq 57-mi uvani *Kiinauyaliqinirmut Maligarmi*.

Avatquumatjut nautigakhamit maniliurnirlu

(8) Avatquumatjut nautigakhamit maniliurnirluunniit pihimayaat tutquumaviup avatqutjutautigiyaa ilagiyaalu tutquumaviup.

Hiamtiriniq

(9) Man'ngit tutquumavingmiittut hiamitiqtauyukhat naunaiyaqhimayut maliklugit.

Atugaqannginniq

(10) Maningnik tutquumavik atuganiktukhaunngittuq.

Kiinauyaliqinikkut Ukiuq

(11) Kiinauyaliqinikkut ukiunga maningnik tutquumaviup aatjikkutariyaa Kavamaita Nunavut.

Maniqarviit

(12) Ministap pihimayakhait naunaiyarhimayukhaq tahapkuat titiqqat atauttimuungittumik pihimayukhak pitqutivlugu maniit naunaitkutingit maniknut tamarmiknut maniliurnirmut ukiunnganut:

- (a) iniqtirlugit ihuaqtumiklu maniitigut naunaitkutingit aulapkaitjuttinginnik piqaqtumik angiqtauhimayut titiqqat;
- (b) allatlu angiqtauhimayut titiqqat naunaitkutilluuniit.

Angiqatigiigutit

14. (1) Minista ilaulaaqtuq angiqatigiigutinik Kavamainnut Kanatam ihumagilugit akhuerutillu tammaqtailinirlu Iilitariyauhimayunut Uqauhirnik unaluunniit Iilitariyauhimayunut Uqauhilingnik nunallaanik Nunavunmi talvalu ihumagilugit akhuerutillu tammaqtailinirlu Iilitariyauhimayunut Uqauhirnik unaluunniit Iilitariyauhimayunut Uqauhilingnik nunallaanik qanuq ihuaqtumik pinahuaqtainnut Nunavutim Kanatamlu, atuqtukhaminullu angiqatigiiglutik inmingnik.

Aallat angiqatigiigutit

(2) Minista ilaulaaqtuq angiqatigiigutinik Kavamainnut Kanatam aallamulluunniit inungmut timiuyumulluunniit, pittiarilugu akikhat qanurlu tunihiniit atuqtukhanik ikayuutikhanigluunniit aallanigluunniit atulirnianut mikhaanut quyaginnarluunniit iluanittuq uuma Maligaum maliruagakhaniluunniit.

Ministam ukiurmi unniutjataa

15. (1) Ministam ukiurmi unniutjataa

Minista piniaqtuq, iluani 12 tatqiqhiutit iniqqat kiinauyaliqinikkut ukiunga, ihuaqhainiaqtuq tunilugulu Uqaqtittiyimut Maligaliurvingmi Uqauhiliqinirmut Kamisinamullu unniutjutnmik naunaiqhimayalingmik hapkuninnga

- (a) qanuriliurutainnik, kingullikkut havakhimayait aturnirlu kavamatkunnit ikayuutikhanik kingullirmi kiinauyaliqinikkut ukiungani mikhaanut uqauhiliqinikkut atuqtamigut,
- (b) atulirniq, aulania hananialuunniit atuqtukhanik, atuqtakhanik ikayuutikhaniglu uvani maliktakhami; unalu
- (c) aalla tuhaqtauyukhaq ihuarikpagu Ministam.

Unniutjut uqautigiykhaqaqtukhaq aturahualirnakkut qanuriliurutikhampik

(2) Aturahualirnakkut qanuriliurutikhampik uqautigiyauhimayuq titiraqhimayumi 13(3)(a)-mi tuniyauniaqtuq ilagilugu Ministam hivulliq unniutjataa ukiurmi, talvannga unniutjutit aullaqhimayut titiraqhimaniaqtut naunaiyarlugillu ihuaqhaqhimayut talvani hivummungniatalu piyatik ataani aturahualirnakkut qanuriliurutikhampik.

Unniutjut uqautiqarniaqtuq Iilitariyauhimayunut Uqauhirnut Akhuerutikhanut Akikhaq

(2.1) Ministap unniutjataa ukiurmi titiraqhimayukhaq maniliurnirmut naunaitkutamik, kinguagut naunaitkutaq naunaitkutallu aulanianik Iilitariyauhimayunut Uqauhirnut Akhuerutikhanut Akikhaq atuqtauuhimaliqtuq titiraqhimayumi 13.1-mi.

Uqautigiyauuniq unniutjunmik

(3) Uqaqtittiyi uqautigipkarniaqtaa ukiurmi unniutjut Maligaliurvingmut qilamik ihuaqqat piyaangani.

UQAUHILIQINIRMUT KAMISINA

Tikkuaqtauniq, Havaktiit Havaariyakhailu Uqauhiliqinirmut Kamisinam

Tikkuaqtauniq Uqauhiliqinirmut Kamisinamik

16. (1) Kamisina, pitquyaugumi Maligaliurvingmit, tikkuaqhiniaqtuq Uqauhiliqinimut Kamisinamik pitjutiqaqtukhamik havaarailugillu havaktakhani naunaiyaqhimayut uvani Maligarmi.

Ilaulaariangani

(2) Pilaariangani tikkuaqtaunirmut Uqauhiliqinirmut Kamisinauyaangani, inuk takupkaiyukhaq nakuugiyaminik upilaarnirmiglu kiuyaangani hapkuninnga

- (a) ihumagiyait, atuqhimayait ihumamikkuuqtaillu inuit talvannga ilauhimayulluunniit tamainnit pingahunit Iilitariyauhimayumik Uqauhiqaqtunik nunallaani; unalu
- (b) naunaittiaqhimayuq hivulliqpaangunia, inuliqiniq pitquhinullu atuqtakhat ukua uqauhiit uqauhiliqinirmullu pitjutikhat hivumuktauuyukhat ataani uuma Maligaum.

Aallat ayuiqhimayakhat

(2.1) Maligaliurvik atulilaaqtuq ilakhainnik ayuiqhimayakhanik piyakhaniklunuunniit ihumagiyakhanik tikkuaqtuinahualiraangamik Uqauhiliqinirmut Kamisinakhamik.

Kavamatkunni havaktiunngittuq

(3) Uqauhiliqinirmut Kamisina kavamatkunni havaktiunngittuq.

Kiglikhaa havangniata

(4) Maliglugu titiraqhimayuq 17-mi, Uqauhiliqinirmut Kamisina havangniaqtuq nakuuyumik hitamani ukiurni.

Havakhimmaarniq kiglikhaq tikitillugu

(5) Uqauhiliqinirmut Kamisina havakhimmaarniaqtuq havakvingmini kiglikhani tikitkaluaqtillugu talvunga tikkuaqtauffaarninganut, himmautikhaaniklunuunniit pigumik.

Havaguirniq

17. (1) Uqauhiliqinirmut Kamisina havaguilaqtuq quyaginnaq kangihipkarlugu Uqaqtittiyi titirarvigilugu, Uqaqtittiyi tahamniinngitpat havalaangitpalluunniit Uqaqtittiyiqanngitpalluunniit, kangihipkarlugu Maligaliurvingmi Titiraqt.

Taimaaqtauniq hungmat ayurnirmulluunniit

(2) Kamisina, pitquyaunianit Maligaliurviup, pilaaqtuq, hungmat ayurnirmulluunniit, nutqaqtilaaqtaa taimaaqtilluguluunniit havakvianit Uqauhiliqinirmut Kamisinam.

Nutqaqtinniq

(3) Maligaliurvik katimanngitpat, Kamisina, pitquyaugumi Aulattiniq Ikayurnirmullu Katimayiitkunnit , nutqaqtalaaqtaa Uqauhiliqinirmut Kamisina hungmat ayurnirmulluunniit.

Uqauhiliqinirmut Kamisinaullaktuq

18. (1) Kamisina, pitquyaugumi Aulattiniq Ikayurnirmullu Katimayiitkunnit tikkuarniaqtuq Uqauhiliqinirmut Kamisinaullaktukhamik imaitpat

- (a) Uqauhiliqinirmut Kamisina havalimaillakpat aanniarami aallamulluunniit;
- (b) havakvia Uqauhiliqinirmut Kamisinam inuitpat Maligaliurvik katimanngitpat;
- (c) Uqauhiliqinirmut Kamisina nutqaqtitaukpat Maligaliurvik katimanngitpat; unaluunniit
- (d) Uqauhiliqinimut Kamisina taimaaqtitaukpat, nutqaqtitaukpat, havakvialuunniit Uqauhiliqinirmut Kamisinam inuiqqat Maligaliurvik katimatillugit, kihimi pigiaqtitautiqanngitpat Maligaliurvingmit aturlugu titiraqhmayuq 16(1)-mi katimahuiqtinnagit.

Havangniata hivitunikhaa

(2) Uqauhiliqinirmut Kamisinaullaktuq havangniaqtuq nakuuyumik pigumi imaa

- (a) Uqauhiliqinirmut Kamisina utiphaaqqata havaaminut aullaqhimalraaqhuni;
- (b) nutqaqtitaunia Uqauhiliqinirmut Kamisinam iniqqat; unaluunniit
- (c) inuk havaktitauliqqat atuqhugu titiraqhmayuq 16(1)-mi.

Himmautigiyakhaa Uqauhiliqiniup Kamisinam

19. (1) Uqauhiliqinirmut Kamisina pitquhimayaagut Aulattiniq Ikayurnirmullu Katimayiitkut, tikkualaaqtuq himmautikhamik Uqauhiliqinirmut Kamisinakhamik munariyakhaqaqtumik hunamik imaitpat

- (a) Uqauhiliqinirmut Kamisina uqautiniaqtait Aulattiniq Ikayurnirmullu Katimayiit thimmautauykhaunngittukhaq uvuuna hunamut piqutigiyauyumut ihuinaarniarami aallamulluunniit ihuitjutaunakhagami; unaluuniit
- (b) Maligaliurviup pitqugumiuk, Nunavut Maligaliqiyitkungita pitquyaa, himmautikhamik Uqauhiliqinirmut Kamisinakhamik tikkuarluni.

Havangniata hivitunikhaa

(2) Himmautauyuq Uqauhiliqinirmut Kamisina havangniaqtuq nakuuyumik pihimagumi havaariyakhani iniqqat tikkuaqtauhimatjutigiyaraluani.

Tukhiutit turaangayut himmautauyumut Uqauhiliqinirmut Kamisinamut

20. Titiraqtauhimayut 21-mit 23-mut, 25-mit 34-mut 36-lu atuqtauniaqtut aatjikkutaatut himmautauyup Uqauhiliqinirmut Kamisinamut pitjutigivagaiat havaaminullu Uqauhiliqinirmut Kamisinam maliglugu titiraqhimiayuq 6(1)-mi.

Havaktit

20.1. (1) Uqauhiliqinirmut Kamisina tikkuaqtuilaaqtuq havaktikhanik ihariagiyaminik havaakhat havaktakhainnik nakuuyumik munariyakhainnik Uqauhiliqinirmut Kamisinam munariyaangani, *Kavamatkut Havaktinut Maligaqaraluarluni*.

Kavamatkut Havaktinut Maligaq

(2) Havaqtiit tikkuaqtauhimayut ataani ilangani titiraqhimiayuq (1) ilauyat kavamatkut havaktiinni naunaiqhimayumi uumanii *Kavamatkut Havaktinut Maligarmi*.

Qanurinnia Uqauhiliqinirmut Kamisinap

(3) Tamainnut mikhaaguqtunut uvunga titiraqhimiayunut, Uqauhiliqinirmut Kamisina inniaqtuq pilarutiqarlunilu aatjikkutainnik tugliata ministap ataani *Kavamatkut Havaktinut Maligaup*.

Ikayuqtikhamik pinahuarniq

21. (1) Uqauhiliqinirmut Kamisina ikayuqtikhanik pilaaqtuq uqautjiyukhanik, ayunngittunit aallanillu inungnit ihariagigumiuk Uqauhiliqinirmut Kamisinam pitjutingit havaariyakhailu pilugit Uqauhiliqinirmut Kamisinam tamainni Ilitariyauhimayuni Uqauhikkut.

Inirnikhat

(2) Uqauhiliqinirmut Kamisina katimaqtigilaqaqtait ilaupkarlugilluunniit Inirnikhat ikayuqtauyumagumi ihuitjutigiayayunut ihuaqhainahuarumi, mikhaagulluunniit Inuit Qaujimajatuqangita pitjutigiayayut havaariyakhaitalu Uqauhiliqinirmut Kamisinam ihuarigumigit Uqauhiliqinirmut Kamisina.

Havaariyakhait Uqauhiliqinirmut Kamisinam

22. (1) Havaariyakhaa Uqauhiliqinirmut Kamisinam pilugit qanuriliurutikhaniglu ataniutjutaata Uqauhiliqinirmut Kamisinam puiguqunalugu ilitariyauyaangani, havaariyauyukhallu mikhaagut Ilitariyauhimayunut Uqauhirnut havaktaulutik.

Naunaiyattiaqhimayut havaariyakhait

(2) Kiglikhaqarahuangiplugit naunaiyakhimiayut titiraqhimiayumi (1)-mi, havaariyakhait Uqauhiliqinirmut Kamisinam hapkuninnga ilalgit

- (a) ihivriurlugit piyakhait haphuma pitquhimayait aallapluunniit Maligaum, maliruagakhat atuqtukhallu qanuriliurutikhaluunniit uqautiqaqtun Uqauhiliqinirmut Kamisinamk nakuuyumik havaktauuyaakhaita, unniutjutiniglu tunihiluni qanurinniagut ihivriuqhiniup pigiaqtauhimayullu, piqaqqat;
- (b) hanaluni hapummitjutikhanik ikayuutikhaniglu aallanik ihuaqtunik Inuit Qauyimayatuqanginnut, atulrugillu hapkua ikayuutit ihuaqqat

- ihuaqhayaangani ihuittunik munariplugu maligaliqiniq,
 atuqtukhan, qanuriliurutikhalluunniit uqauhilqinirmut piyakhanut;
 unalu iheriuqhilraarluni pitquayuyullu naunairlugit; and ?
 (c) uqautilugit atulirnia hulilukaarutainnut havaariyainnullu
 aviktuqhimayuni havakviita haamlatkullu ataani uuma Maligaum,
 malingnianullu uuma Maligaum.

Havaktittiniq havaktauyukhanik aallanik ataniutjutikhanigluunniit

(3) Uqauhiliqinirmut Kamisina aturniaqtuq aallanik ataniutjutinik havaglugillu
 aallat tuniyauhimayut Uqauhiliqinrmut Kamisinamut uvannga Maligarmit aallanilluunniit
 Maligarmit.

Inuit Qaujimajatuqangit

22.1. (1) Tamna maliktakhat ihumagiyangillu Inuit Qaujimajatuqangit pihimayut
 ihumagivlugu atuqtauninga piyunautingit havaangillu havaariyanganik Uqauhiitigut
 Kamisinaup titiraqhimayumi ukunanni 20.1, 21, titiraqhimayumilu 22(2)(b-mi),
 titiraqhimayumilu 30-mi titiraqhimayumilu-ilangani 32(1) uumanilu (3):

- (a) *Inuuqatigiitsiarniq* (ihumagivlugit allat, katimaqatiginiq
 munariniqlu inuknik);
- (b) *Tunnganarniq* (pivallianiq nakuuyunik inuuhiriqniq
 iquhimaittumik, tunngahukttauvluni qanurunaarnaittumiklu);
- (c) *Pijitsirniq* (ikayuqhuni pipkaivluni ilamiknut nunamiknulluunniit,
 tamarmikmulluuniit);
- (d) *Aajiiqatigiinniq* (ihumaliurniq uqaqatigiingnikkut
 angiqatigiikkullu);
- (e) *Piliriqatigiinniq Ikajuqtigiinniqluuniit* (havaqatigiikniqmut);
- (f) *Qanuqtuurniq* (nutaanik piliurniq ikayuutauniarumilu).

Allat Inuit inuuqatigiikkut akhuerutigiyangit

(2) Tamna Uqauhiitigut Kamisinauyuq pittaqtuq, atuqtauninganik
 piyunautinganik havaariyautigiyanginniklu Uqauhiitigut Kamisinauyuq, ilitariyuq,
 aturluni iliurailuniluuniit allat Inuit inuuqatigiikkut akhuerutigiyangit tamna
 Uqauhiitigut Kamisinauyuq ihumagigumiuk ihuarumi ikayuutauniarumilu.

Pilaikutiqaqtuq qanuriliurutinit

23. (1) Hunaliqaak maligakkut qanuriliurutikkullu tuniyauyunaittuq Uqauhiliqinirmut
 Kamisimut, ingunmulluunniit pitquhimayaata Uqauhiliqinirmut Kamisinam hunamut
 quyaginnaq, nakuuyumik pihimagumi, pigumiuk, ilaupkanngitkumiuk,
 pipkarumiugluunniit pitjutiminik atuqhutik havagutainnigluunniit aturlutik
 Uqauhiliqinirmut Kamisinam.

Pihimaniq mikhaagut akikhaniutilaqutini hukhaun'ngiyainirmullu

(2) Piqtaanut Maligarmut, mikhaagut akikhaniutilaqutinut
 hukhaun'ngiyainirmullu,

- (a) uqaqhimayaayuq huna, tamaita tuhaqtauyukhat tuniyauhimayut
 tamaitalu titiqqat piyauhimayut ihivriuqhiplutik,

- ihuaqhainahuarnirmi hivuani Uqauhiliqinirmut Kamisinam
aatjikkutariyait apiqhuivingmiittutut ipluni; unalu
 (b) unniutjut pihimaya Uqauhiliqinirmut Kamisinam hanahimaya
nakuuyumiglu titiraqhimayuq tuhaqtauyukhanut, makpiraanilu
naalatikkulluunniit aatjikkutariyaa Uqauhiliqinirmut Kamisina
apiqhuivingmiittutut ipluni.

Uqauhiliqinirmut Kamisinam ukiurmi unniutjutaa

24. (1) Uqauhiliqinirmut Kamisina, iluani 12 tatqiqhiutit nungutpat kiinauyaliqinikkut
ukiuq, titirarniaqtuq tunihilunilu Uqaqtittiyimut Maligaliurvikkmi ukiurmi unniutjutimik
naunaiyaihimayumik havangnianik havakviup havaariyakhainniglu Uqauhiliqinirmut
Kamisinam kingullirmi ukiurmi, ilaqlarluni

- (a) tikkuaqtturnirmik hulitjutainniglu himmautaullaktup
Uqauhiliqinirmut Kamisinam kingullirmi ukiurmi, unalu
 (b) naunaitkutamik qaphiuninginniglu tukhiutit piumayauyullu
tuniyauhimayut hamna atuqhugu Maligaq ataani Inuit Uqauhiinnik
Tammaqtailinirmut Maligarmi, qanurinniit pigiaqtihimanilli
tukhiutit atuqtauvaktut kingullirmi kiinayualiqinikkut ukiurmi
kangiqlihitjutillu hunanik pigiaqtitauyut Uqauhiliqinirmut
Kamisinamit ihivriuqhilraaqhuni maliktauhimanngittunik; unalu
 (c) naunaiyainiq qanuq ihuarnianik aturiangani pitjutauyunik
havaariyakhainniglu Uqauhiliqinirmut Kamisinam,
aallannguqhimayunik takuyumayamingnik Uqauhiliqinirmut
Kamisinam ihariagikpagit piumakpagilluunniit nakuuhiyaangani
maligakhamut Maligarmik *Inuit Uqauhiinnik Tammaqtailinirmut
Maligamigluunniit.*

Uqautigiyauyuq ukiurmi unniutjut

(2) Uqaqtittiyip uqautigitquniaqtaa unniutjut hivuani Maligaliuqtit qilamik
nakuukpat piyaangani.

Hiamititauyukhaunngittuq Tuhaqtittinirlu Kangiqhiyauyukhanik

Hiamititailiniq

25. (1) Kihiani pitquyauhimagumi piyauyukhaugumiluunniit maligakkut,
Uqauhiliqinirmut Kamisina inuglu himmaullaktuq uqautjautaagut Uqauhiliqinirmut
Kamisinam pihimaniaqtuq hiamitilaitkutinik talvalu nuipkaqtaililugit tuhaqtauyukhat
hiamititakhaunngitpata havaktamini ilauyut.

Tuhaqtittiniq piyukhaugami

(2) Titiraqhimagaluarluni (1)-mi, Uqauhiliqinirmut Kamisina nuipkailaaqtuq,
pitquluguluunniit inuk himmautaullaktuq ataani Uqauhiliqinirmut Kamisinam
tuhatittitqulugu kangiqqlihitjutimik Uqauhiliqinirmut Kamisinam ihariagiyaanik

- (a) hivumuutinnahuarlugu ihivriuqhiniq; unaluunniit

- (b) piluni pigiaqtaitiniglu uqautigiyauhimayut unniutjunmi tunihimayuq piqutiyuni havaariyakhaani Uqauhiliqinirmut Kamisinam.

Tuhatittiniq qanuriliurutinut ataani Maligaum

(3) Titiraqhimagaluaqhuni (1)-mi, Uqauhiliqinirmut Kamisina tuhatittilaaqtuq, pitquluguluunniit inuk himmautayuq uqaqhimayaagut Uqauhiliqinirmut Kamisinam tuhaqtitqulugu, kangiqhitjutikhnik Uqauhiliqinirmut Kamisinam apiqhuiviupluunniit ihumamikkut ihariagiyait qanuriliuriangani ataani Maligaum uvuunaluunniit *Inuit Uqauhinginnun Tammaqtailinirmut Maligarmi*, uuktuphaarnikkulluunniit talvuuna qanuriliurutaagut.

Unniriaqanngittuq

(4) Uqauhiliqinirmut Kamisina quyaginnarlu inuk pitquyauhimayuq uqautjauhimagumiluunniit Uqaihiliqinirmut Kamisinamit unniriaqanngittuq mikhaagut kituni kangiqhitjutikhani unniutiniluunniit pihimayait havaariyakhani havakhugit atuqhugilluunniit ataniutjutikhani ataani uuma Maligaum, kihimi ahiagut qanuriliurutainni uuma taani Maligaum unaluunniit *Inuit Uqauhinginnun Tammaqtailinirmut Maligarmi*, uuktuphaarnikkulluunniit talvuuna qanuriliurutaagut.

Quulliqpaaq

(5) Ihuittuqaqqat ihuitjutiqaqqalluunniit uvani titiraqhimanun nunalu *Tuhagakhanik Tiguhinirmut Hapummiyaarinirmut Hiamitirnaittunun Titiraqtauhimayunik Maligarmi* maliruagakhaniluunniit atuqtauhimayut ataani uuma Maligaum, una titiraqhimanuq quulliqpaanguniaqtuq ihuittumut ihuitjutauyumulluunniit.

Maliktakhat, qanuriliurutit titiqqallu

Maliktakhat, qanuriliurutit titiqqallu

25.1 (1) Kiunnaqhuni uvunga Maligarmut, Uqauhiliqinirmut Kamisina maliktakhaliurniaqtuq maliktauyukhanik qanuriliurutikkut titiqqanullu atuqtauuyukhanik qanurlu pitjutigiyauyukhat tuniyauhimayut munariyauyukhallu pitquyauhimayut uvannga Maligarmit atuqtauniaqtut havaktaulutiglu.

Atulirniq *Maligaliurnirmut Maligarmik*

(2) Maligakhat piliuqhimayut ataani titiraqhimanuq ilangani (1)-mi maligaliunngittut maliguagaghataluuniit tainnianiinni *Maligaliurnirmut Maligaqmi*.

Ihivriuqhiniq

Tukhirniq ihivriuqhikitikhnik

26. (1) Inuk atukhilaqtuq Uqauhiliqinirmut Kamisinamit uqainnarluni aallakkulluunniit qanuq Uqauhiliqinirmut Kamisinam ihumamikkut nakuugiyaanik ihivriuqhiyaangani aulapkainikkut havaanginnik aviktuqhimayuni havakviup haamlatkulluunniit,

- (a) qanurinnia Iilitariyauhimayum Uqauhim ilitariyauhimannngitpat;

- (b) iluaniittuq uvani aallaniluunniit Maligarmi maliruagakhamilunniit mikhaanut qanurinniata, aturnianut tammaqtailinirmulluunniit Ilitariyauhimayumik Uqauhirmik maliktauhimanngitpat; unaluunniit
- (c) hakugingnia pinahuaqtaalu uuma allapluunniit Maligam maliruagakhapluunniit mikhaanut qanurinniata, aturnianut tammaqtailinirmulluunniit Ilitariyauhimayumik Uqauhirmik munariyauhimanngitpat.

Uqauhiliqinirmut Kamisina aullaqtirilaatquq

(2) Uqauhiliqinirmut Kamisinam qinutjutaagut, pitquhimayaagulluunniit aviktuhimayuni havakviup, haamlatkulluunniit ilauyumilluunniit kativimilluunniit Maligaliurviup, Uqauhiliqinirmut Kamisina aullaqtiripkailaaqtuq ihvriuqhinirmik uvuuna ihumagiayayunut titiraqhimagayuni (1)-mi.

Ihvriuqhinq

(3) Pigumik tukhiutimik piumayaayumigluunniit ataani uuma titiraqhimagum, Uqauhiliqinirmut Kamisina ilittuqharniaqtait ihumagiayayut, maliglugu titiraqhimagyuq 28(1)-mi, ihvriuqhiniaqtuq.

Atauttimungaqtiriniq ihvriuqhitjutinik

(4) Uqauhiliqinirmut Kamisina pilaaqtuq atauhirmik ihvriuqhinirmik malruungnik tukhiutingnik piumayaayungnigluunniit, ihumamikkut ihuarigumiuk nakuugigumiuk taimailiurumi.

Pihimaniq ilauyunik inungnik

27. (1) Kina inuk pilaittuq ahivaquiluni, nutqaquiluni, anitipkailuni, iqhipkailuni, akhuuqharluni, anipkailuni, akiliqhipkailaittuq hunalu anullaktiripkailaittuq inugluhugluniluunniit inungmik taamna inuk tukhirmat piumangmalluunniit ihvriuqhivikhamik, unnirlukkumiluunniit ihumagiayaminik Uqauhiliqinirmut Kamisinamut.

Akiliqtakhaq

(2) Inuit tamaita ihuinaarumiuk titiraqhimagyuq (1)-mi ihuinaaqhimaniaqtuq talvalu apiqhuqtaulaaqhuni,

- (a) inuk avaliitkumi, akiliqhiyukhaq avatqunngillugu \$5,000; unalu
- (b) timiugumi kuapuliissiuluni aallallunniit timiuyuq maligaliqitjutiqarumi, akiliqhiyukhaq avatqunngillugu \$25,000.

Qinngiyayuq nutqaqturluunniit ihvriuqhiniiq

28. (1) Uqauhiliqinirmut Kamisina qinngilaaqtuq nutqaqtilluguluunniit ihvriuqhiniiq imaitpat, ihumamigut Uqauhiliqinrmut Kamisina, imaitpata hapkua uvani:

- (a) ihumagiayayut naunaiqtauhimayut aallanut ingunut ihuitjutaukpata ahianit tukhiqhimayup timiuyupluunniit ihvriuqhitquyut, tappkualu inuit ilaupkaqtauyut piumahuirumik;

- (b) tamaita ilangilluunniit ihumagiayayut naunaiqhimayut piinariaqaqtuq ihuaqtumik munariyauluni ihuaqhilugulu, nakuuyumik ihuaqtumiklu, ataani aallap Maligaup aturluniluunniit ihuaqtaumik piyakhamik;
- (c) tukhiutauyuq piumayauyurluunniit tiitangapluni tuniyauhimakpat, mamiattainahuarluni pihimakpat, nakuunngittumik tuniyauhimakpat huunngiittumigluunniit pipluni;
- (d) tukhiqtuugaluaq piumayuugaluarluunniit ihivriurivkhamik taimaarumi qimakkumiugluunniit tukhiutini;
- (e) ihumagiayayut naunaiqhimayut tukhiutimi piumayauyimiluunniit ihuaqhiyaukpata.

Ihumagiayukhat

(1.1) Ihumaliuqtinnani ataani titiraqhimayumi ilangani (1)-mi, Uqauhiliqinirmut Kamisina ihumaginiaqtait tamaita nakuuyut qanurinnit, ilagilugu immaqaak aktuqtauniarungnaqhiuq inuk, tukhiqturluunniit ihivriurnikhamik hatuinarungnaqhiyuq piyaangani titiraqhimayurluunniit tukhiutiluunniit unguvaqtaukpat, qimaktaukpalluunniit tiliuhimayurluunniit ihuaqhaqtauniraqtauniaqtuq ihuinaaqhimakpat hakugingnirluunniit ihuitpat.

Kangiqhipkainiq ilauyunik inungnik

(2) Uqauhiliqinirmut Kamisina ihivriuqhiumanngitpat nutqaqtitpaguluunniit aturlugu titiraqhimayuq (1)-mi, Uqauhiliqinirmut Kamisina imailiurniaqtuq

- (a) kangiqhipkarniaqtaa tukhiqtu katihimayulluunniit ihivriuqhijutikhamik aallallu inuit Uqauhiliqinirmut Kamisinam ihuariyaanut ihumaliurutiminik talvuuna ihuaqtumiglu piyaamini Uqauhiliqinirmut Kamisinam; unalu
- (b) tunihiluni titiraqhimayumik tutqikhijimayumik atukhiqhimayumut katihimayunulluunniit tukhiqhimayunut ihivriuqhivikhamik inungnullu ilauyunut Uqauhiliqinirmut Kamisinam ihuarikpagu,
 - (i) Uqauhiliqinirmut Kamisina ihivriuqhiumanngittuq nutqaqtitaaluunniit ihivriuqhiniq atuqhugu titiraqhimayuq (1)-mi; unalu
 - (ii) uplukhaq tuhaqtitjutip piyauyukhaq uvunga titiraqhimayumi (a)-mi tuniyaugumi.

Kangiqhipkainiq katimaqatigiingirlu

29. (1) Uqauhiliqinirmut Kamisina ihivriuqhinhualiqqat, Uqauhiliqinirmut Kamisina imailiurniaqtuq,

- (a) ihivriuqhiliqtinnani,
 - (i) kangiqhipkarlugu Minista, ataniriyaa aviktuqhimayumi timiuyup haamlatkulluunniit inuglu kina ilauyuq i humaagut Uqauhiliqinirmut Kamisinam kangiqhipkaqtauyukhaq talvuuna, unalu
 - (ii) katimaqataigilugu ataniriyaa aviktuqhimayumi timiuyup haamlatkulluunniit Uqauhiliqinirmut Kamisinam

ihuarikpagu, ihuaqharahuarlugit ihumagiyauyut
aallmulluunniit, ;? unalu

- (b) unniutjutimik pigiaqtitaunmigluunniit havaktinnagu
ihuitjutigilaqaanik inungmut, aviktuqhimayumi timiuyumut
haamlatkulluunniit, katimaqatiginiaqtaa taamna inuk,
aviktuqhimayumi timiuyumut haamlatkulluunniit.

Katimapkaiyariaqanngittuq tuhaatjunmut

(2) Uqauhiliqinirmut Kamisinam naalakvikhamik piumanngitkumi pilaittuq talvalu kinaliqaak inuk naalaktauuyumanngitkumi Uqauhiliqinirmut Kamisinamit naalaktauyunaittuq kihmi uqaqhimakpat uvani Maligarmi.

Ihivriuqhihimaittumik ihuaqhaitjutikhat

30. Uqauhiliqinirmut Kamisina pitquilaqaqtuq aturluniluunniit ikayuqtinik aallaniglu ikayuutikhanik ihuaqtunik Inuit Qaujimajatuqanginnut ihuaqharahuarlugit ihumagiyauyut naunaiqtauhimayut tukhiutimi piumayaayumiluunniit titiraqtauhimayumi ataani 26(1)-mi (2)-miluunniit.

Ihivriuqhinikkut pitjutigiyat qanuriliurutillu

31. (1) Titiraqhimannngitpat uvani, Uqauhiliqinirmut Kamisina pilaaqtuq, ihivriuqhipluni, tukhilaqaqtuq pilunilu kangiqhitjutinik inungnit Uqauhiliqinirmut Kamisinam ihuariyaanik, talvalu aturluni atauhirmik avatqulluguluunniit hapkuninnga qanuriliurutikanik pihimayaunngilluni maliruagakhanit unniutjutinut naalavikhamiluunniit apiqhuqtauyuni:

- (a) itirluni ihivriuqhilunilu iglut havakvigiayauyut ihuaqtumi itirvikhami;
- (b) apiqhuiluni iglumiillakhuni Uqauhiliqinirmut Kamisinam ihuariykpagu, ilagilugu uqaqatiginiq inungmik avaliittumik inmigut uqarumakpat;
- (c) tukhiqlugit ihivriuqlugillu ilitturipkaitjutighat, unniutjurit hunanlu, piliurluni piyumaluniluunniit ajjiliuqtauhimayunik piksaliuqluniluunniit taaffuma Uqauhikkut Kamisinaup ihumagiyait pitjutiqaqtaq tapkununga ihumagiyauyunut ihivriuqtauhimaliqtut;
- (d) angirlugit unguvarlugilluunniit kangitjutit unniutjutauhiamyuluunniit Uqauhiliqinirmut Kamisinam nakuugikpagit, immaqaak ilauyakhangmangaat ilaunngilluniluunniit apiqhuqtauyuni.

Qaitquitjutit tuhaqtittinirlu

(2) Tunihilraarluni tuhaqtauyukhamik, Uqauhiliqinirmut Kamisina pilaaqtait ihivriuqhilirumi;

- (a) uqaitquiluni pipkarlugulu inuk unniqtukhaq takuhimayaminik;
- (b) munarilugit itquumayumik uqautigiyauyut tutqikhaqhimayullu;

- (c) unnirluqulugu inuk mikhaagut itquumayumik uqautigiyauyukkut tutqikhaqhimayukkullu, ilumuurluni uqarnikkullu, talvuuna humilu Uqauhiliqinirmut Kamisinam naunaiqhimayaani; unalu
- (d) unnirluqulugu inuk tunihitqulugu titqqanik hunaniglu inuum pihimayainnik Uqauhiliqinirmut Kamisinam aturiangani ihuariyungaqqagit ihivriuqhinirmut nakuukpata, talvuuna Uqauhiliqinirmut Kamisinam naunaiqhimayaani.

Aallat pitjugiyauvaktut

(3) Aturahualirumigit pitjutiyauyut titiraqhimayut (1)-mi (2)-milu, Uqauhiliqinirmut Kamisina aatjikkutainnik pitjutigiyauyuqaqtuq munarikhaniglu apiqhuiyit atuqpagainnik apiqhuiliraangami.

Kikliqaqtarningit

(4) Tamna havaariyanga Uqauhiitgut Kamisinauyup piyunnautinga titiraqhimayuq uumani kikliqarhimayut aatjikkutariiktukhallu ukununnga

- (a) pitjutigiyauyut, ilaupkaqtalitjutit, atuqpaktakhailu pitjutigiyaillu maligaliurviup ilangitalu; unalu
- (b) kavamaliqiningga, havaariyangit, atuqpaktakhait piyunnautingit Nunavunmi Maligaliqiyitkut Naammaguhunngittullu Apiqhuiviit.

Itjuhikhaq

(5) Uqauhiliqinirmut Kamisina atulirniaqtuq maliklugulu itjuhikhaq Uqaqtittiyianut Maligaliurviup tiliuqhimayauluni Maligaliurvingmit ilauyunillu , Nunavut Maligaliqiyitkut Apiqhuivitkullu Naammaguhunnginnikkut upakvianillu, Ihumagilugu Uqauhiliqinirmut Kamisinap aturnianik hakugingnirminik havaariyakhaminiklu havangnirmik ataani uuma titiraqhimayumi.

Qanuriliurniq ihivriuqhilraarluni

32. (1) Imaa, ihivriuqhilraarluni, Uqauhiliqinirmut Kamisina ihumamikkut uqautigiyauyuq tuniyakharigumiuk aviktuqhimayunut timiuyunut haamlatkunulluunniit ihumagiyakhaat havaktakhaalluunniit, Uqauhiliqiniarmut Kamisina hananiaqtuq tunihilunilu unniutjunmik ihumaminut huurlu taimainmat atan'nguyaqarvingmullu aviktuqhimayuni timiuyumut haamlatkunnnullu uqautigiyauyumut.

Aatjliuqhimayukhaq Hivuliqtimut Ministamullu

(2) Aviktuqhimayumi timiuyuq taiyauhimayuq titiraqhimayumi ilanga (1)-mi havakviugumi Kavamainni Nunavaut inuillu timigikpagu, Uqauhiliqinirmut Minista tunihiniaqtuq aatjikkutaanik unniutjutimi hungmallu Hivuliqtimut Ministamullu munariyaqaqtumut havakvingmik inuillu timigyaanik.

Unniutjutilu kiunirlu

(3) Iluani unniutjutim tauyauhimayum titiraqhimayumi (1)-mi, Uqauhiliqinirmut Kamisina pilaaqtuq pigiaqtautinik ihuariyaminik, talvalu pitqulaaqttaa atang'nguyaqarvia aviktuqhimayuni timiuyup haamlatkulluunniit apiqhuivikhaq taiyauhimayuq kiutqulugu pigiaqtautainnut Uqauhiliqinirmut Kamisinam naunaiqhimayuq kiglikhaq aturlugu imaa

- (a) qanuriliurut pihimayaq piyaunahuaqtarlu piqutigipkarlugu pigiaqtitautinut; unalu
- (b) qanuriliunngitpat pinahuanngitpallu, uqarluni huuq tahamna pilimaitaat.

Ihvriuqhinikkut unniutjut tuniyakhaq Maligaliurvingmut

32.1. (1) Qanuriurutiqanngitpat ihumaatigut Uqauhiliqinirmut Kamisinam nakuugiyaanik ihuariyaanikluunniit ihuaqtumi unniutjut tuniyaulraaqhuni ataani titiraqhimayuni 32(1)-mi (2)-miliunniit, Uqauhiliqinirmut Kamisina hannaiyailaaqtuq tunihilunilu unniutjunmik Uqaqtittiyimut Maligaliurvingmi.

Uqautigiyauyuq Ihvriuqhinikkut unniutjut

(2) Uqaqtittiyip pipkarniaqtaa ihvriuqhinikkut unniutjut uqautigitqulugu Maligaliurvingmi qilamik ihuaqqat.

Kangiqhipkainiq ilaupkaqtauyunik inungnik

33. Uqauhiliqinirmut Kamisina piniaqtuq tamaat imaa

- (a) ihuariyaanut qanurlu Uqauhiliqinirmut Kamisinam maliglugulu titiraqhimayuq 25-mi, kangiqhipkarlugu tukhiqtuq katimayulluunniit ihvriuqhinirmik, aallalluunniit inuit Uqauhiliqinirmut Kamisinam nakuugikpagu, qanurinnianik ihvriuqhiniup, pigiaqtitautit pihimayatik qanuriliurutikhallu uukturumayatigluunniit; unalu
- (b) tutqikhilugu titirarluni tukhiqtumut katimayunulluunniit ihvriuqhinikhamik inuillu ilaupkaqtauyunut Uqauhiliqinirmut Kamisinam ihuariyainnut
 - (i) Uqauhiliqinirmut Kamisinam iniqtaa ihvriuqhiniq, unalu
 - (ii) uplua kangiqhivikham maliglugu titiraqhimayuq (a)-mi tuniyauhimayuq.

Unniutjutit kangiqhitjutikhallu iniqtut

34. (1) Unniutjutit kangiqhitjutikhallu tunihimayait Uqauhiliqinirmut Kamisinam ataani uuma Maligaum piyauyunaittut naammaguhunginnirmut ihvriuqhinirmulluunniit apiqhuiyimit.

Aturniq unniutjutinik

(2) Titiraqhimagaluarluni (1)-mi, nutaaq tukhiut titiraqtaugumi ataani titiraqhimayum 35(1)-mi ilanganiluunniit 36(1)(a)-mi, unniutjut tuniyaunahugiyauyuq Uqauhiliqinirmut Kamisinamit ataani uuma Maligam piyaulaaqtuq takuyauyukhaq, piqanngitpat takuyakhamik ahikkut, iluaniittut unniutjutim talvalu Uqauhiliqinirmut Kamisinam tuniniraqtauyuq unniutjut.

HAKUGINNIUTIT NUNAVUNMI MALIGALIQIYITKUNNI

Hakugingniutinik aturahuarniq

35. (1) Tukhiut tuniyaulaaqtuq Nunavunmi Maligaliqiyitkunnut ihuaqhayaangani Apiqhuivit ihuariyait iharianainnaqqatalu inungmit tukhiqhimayumit Uqauhiliqinirmut Kamisinamit atuqhugu titiraqhimayuq 26(1)-mi titiraqtauuhimayuq aviktuqhimayuni timiuyuni haamatkunnilluunniit ilauyumilluunniit katimayini katimayanilluunniit Maligaliurviup tukhiqhimayup ihivriuqhivikhamik atuqgu titiraqhimayuq 26(2)-mi uvuunaluunniit inungmit ilaupkaqtauuhimayumit tukhiutinut titiraqhunilluunniit atuqhugu 26(1)-mi (2)milunit imaitpat

- (a) Uqauhiliqinirmut Kamisinam qinngikpagu nutqaqtitpaguluunniit ihivriuqhinkhaq atuqhugu 28(1);
- (b) Uqauhiliqinirmut Kamisina kangiqhipkaqtait tuikhiquq katinayulluunniit ihivriuqhinirmik qanurinnianik atuqtauyukhami 33(a)-mi; unaluunniit
- (c) qaangiqqata siksin (6) tatqiqhiutin tukhiut iniqtaulraaqtillugu piumayauyurluunniit tukhiqturlu katinayulluunniit tukhiqhimayut ihivriuqhinirmik kangiqhipkaqtaunngitkumik ihivriuqhiniq qinngiyauhimayuq nutqaqtiyurluunniit qanurinnianik kinguagut ihivriuqhiniup.

Kiglikhanut naunaitkuttat

(2) Maliglugu titiraqhimayuq (3)-mi, tukhiut piyaulaittuq titiraqhimayumi (1)-mi

- (a) qaangiqqata siksin (6) tatqiqhiutit upluanit tukhiqtum katinayulluunniit
 - (i) kangiqhipkaqtaukpata, atuqhugu titiraqhimayuq 28(2)-mi Uqauhiliqinirmut Kamisina ihumaliuqtamikkut qinngikpat nutqaqtittikpalluunniit ihivriuqhinirmik; unaluunniit
 - (ii) kangiqhipkaqtaukpata, atuqhugu titiraqhimayuq 33(a)-mi qanurinnianik kinguagut ihivriuqhiniup; unaluunniit
- (b) avatqutpat atauhiq ukiuq hivulliq uplua atuqtillugu tukhiutim titiraqhimayum ataani 26(1)-mi (2)-miluunniit, tukhiqiquq katinayulluunniit tukhiqhimayut ihivriuqhinirmik pihimanngitkumi kangiqhitjutinik naunaiqhimayunik titiraqhimayumi (a)-mi qaangiqqata siksin (6) tatqiqhiutin.

Tukhirniq kiglikhaq qaangiqtillugu

(3) Nunavunmi Maligaliqiyitkut pilaaqtuq tukhiutimik kiglikhaq qaangiralaqaqtillugu naunaiqhimayut titiraqhimayumi (2)-mi Apiqhuiyit kangiqhimagumik imaa

- (a) kinguvarniq piyauhimagumi nakuunikkut; unalu
- (b) piumannginniq tuniumanngiplugu kiglikhaq, ihuitjutigihunnguniaqtaa piqutigiyanut tukhiqtum, tautukhugu ihuitjutauniq, piqaqqat, atuqhimayaat quyaginnaq inuum kinguagut kiglikhap kinguvanniata.

Aallat pitjutigiyakkut qanuriliurutikhat

(4) Hunaliqaak uvani iluaniittuq unguvaqtiriyunaittuq
huun'ngiqtautjutayunaitturuu pitjutikhaagut inuum kihiani aallakkut pinahuarumi uvani
kihimi titiraqhimaguni.

Uqauhiliqinirmut Kamisina pinahualaaqtuq hanmilunluunniit

36. (1) Uqauhiliqinirmut Kamisina imailiulaaqtuq

- (a) tukhirluni Nunavunmi Maligaliqiyitkunnit ihuaqhaitjutikhamik qaangiqtinnagu kiglikhat naunaiqhimayut titiraqhimagyuq 35(2)(a)-mi imaitpat
 - (i) tunihiluni unniutjunmik ataani titiraqhimagumi ilanga 32.1(1)-mi, unalu
 - (ii) piluni, titiraqhimagumik, angirutaanik tukhiqtum katimayulluunniit ihivriuqhinirmik;
- (b) hanmilugit Nunavut Maligaliqiyitkungit pitjutigilugu inuk tukhiqhimagyuq atuqugu titiraqhimagyuq 35(1)-mi ihuaqhautikhamik pinahuarluni; unaluunniit
- (c) qimallaglugit Nunavunmi Maligaliqiyitkut,ilauyaangani ihivriuqhinirmut atuqhugu titiraqhimagyuq 35(1)-mi.

Tukhiqtuq apiqhurvingmiilaaqtuq

(2) Uqauhiliqinirmut Kamisina tukhiutimik pigumi atuqhugu titiraqhimagyuq (1)(a)-mi, tukhiqhimagyuq katimayulluunniit tukhiqhimagayut ihivriuqhinikhamik hanmiyaqaqtait ihivriuqhinirmi.

Hapummilaaqtuq

(3) Hunaliqaak uvani iluaniittuq qanuriliurutigiyunaitaa Uqauhiliqinirmut Kamisinam havaguillagumagumi ilauyaangani apiqhuqtauliqqata qanurinniagut Inuit Uqauhiinnut, Qaplunaatut Uiviititulluunniit.

IHVRIUQHIPHAARNIQ MALIGARMIK

Ihvriuqhiphaarniq qaangiqqata talliman ukiut

37. (1) Qaangiraangata talliman ukiut aulalraaqhuni, hivulliqmi ihivriuqniq 6ni ukiuni una Maligaq atuqtitauliqpait pittinnaguluunniit talvannga una Maligaq atuqtitauliqpait Maligaliurvik pipkaigumi, aullautigilugu siksin ukiut tikilihaaqqata uvunga iliyaulraarlutik Maligarmut, Maligaliurvik katimayiilluunniit Maligaliurviup ihivriurniaqtain iluaniittut aulanialu uuma Maligaum, aallalluunniit maliruagakhaliuqhimayut, atuqtukhat, maliktakhat pinahuaqtauyut pitquhimayailluunniit Maligaliurviup katimayiitaluunniit Maligaliurviup pitqukpagit.

Qanuq anginia ihivriuqhiphaarniup

(2) Ihivriuqhiphaarniq ilaqrniaqtuq aulanianik uuminnga aturnianiglu Maligarmik, ihuarniit qanuq iluaniittut inirnialu pinahuaqtaminik ilaqrarluniu pigiaqtautinik aallannguqtiriyami Maligarmut.

MALIRUAGAKHAT KATIMAQATIGIINGNIRLU

Maliruagakhat

38. (1) Kamisina Atan'nguyat Katimayiinni, ihuarigumigit pitquhimayait titiraqhimayut Ilangani 32-mi Nunavut Nunataarnikkuq Angiqatigiigutimi iniqtauyut talvalu ihuaqtunik katimaqatigiingniq tiliyauhimayut Qaplunaatut Uiviititullu uqauhiqaqtut nunallaat, maliruagakhanik

- (a) tikkuarluni atan'nguyaqarvikhamik inungnut timiuyuni uqautigiyauhimayumi naunaitkutani una "atan'nguyaqarvik" titiraqhimayumi 1-mi;
- (b) ilaupkanngilugu inungnut timiuyuq ataani titiraqhimayumi 1-mi, una inungnut timiuyuq atuqtaulihuni qanuriliurutikhanut mikhaanut ilitquhiliqinirmut, pitquhituqatut itjuhiinnut, hakugikhipkainahuarnimut akhuritinulluunniit atauhirmut uqauhirmut uqauhiqaqtunulluunniit nunallaanut;
- (c) pittiarlugu kitu ilagiyyaa, piyaa, qanuriliurutaa piyakharluunniit ilaunngittuq uvani ihuittumigluunniit ilauyuq Maligarmi, maliruagakhallu piqaqtut tunihitjutikhanik tuhaqtauyukhanik, Kamisinam Atan'nguyat Katimayiinni atuliriangani titiraqhimayuni 8-mit 9-mut, 11-milu 12-milu
 - (i) atauhirmiit avatqulluguluunniit maligaliqinikkut unalu maligaliqinikkut pitjutiqarluni timiuyunit, ahiagut Nunavut Maligaliqiyitkunnit Naammaguhunngittulluunniit Ukktuqturvianik, unaluunniit
 - (ii) atauhirmiit avatqulluguluunniit qanurittuni;
- (d) pittiarlugit quyaginnaq ilanga, naunaiyarniq, qanuriliurut pitquyauhimayurluunniit atuqtaulaaqtuq havakvianut Kavamaita Nunavut inungnut timiuyulluunniit imaa Kamisinam Atan'nguyat Katimayiinni ihumamikkut ihariagiyaa aturiangani maligiangiluunniit ilagilugu titiraqhimayumi 11(1)-mi ihumagipluginit ukua,
 - (i) mikhaagut qanuq takuyaayukhaq qanurinnialu naunaitkuttat, unaluunniit
 - (ii) hananiq, tunihiniq qanurinnillu tuhaqatigiigutikhat;
- (e) naunaiyarlugit aviktuqhimayuni havakviit aallallu havakviit titiraqhimayumi (2)-mit (5)-mut, ilagilugit kathimayut, aatjikkiiktut havakviit ikayuutilluunniit;
- (f) mikhaagut takuyaayumayut atuqtakhalluunniit ihumagiayayukhat naunaiyaliraangat tukhiqtauyunik amihunik atuqtakhat maliglugu titiaqhimayut 12(3)-mi (4)-miluunniit;
- (g) mikhaagut takuyaayumayut atuqtakhalluunniit ihumagiayayukhat titiraqhimayumi 12(7)-mi;
- (h) naunairlugu nunallaat taiyauhimayuq titiraqhimayumi ilanga 12(8)-mi naunaiyarluguluunniit takuyaayukhaq maliktakharluunniit ihumagiayakhat naunairiangani titiraqhimayumi ilanga 12(8)-mi atuqtauniariakhaata nunallaamut;

- (h.1) pittiarlugu nunallaami tuhaqtititjutikhat ikayuutikhallu tuniyauyukhat titiraqhimagayumi ilanga 12(8)-mi turaangahimakpat nunallaamut;
- (h.2) pittiarlugu kitu ilauyuq, qanurittuutaa, qanuriliurut pitquyahimayurluunniit tamaat ihuivyaktumigluunniit iluaniiittuqaqqat uvani Maligarmi, Kamisina Atan'nguyat Katimayiani ihumamikkut ihariagigumiuk atuliriangani atuqtittaanganiluunnit maliktakhalik titiraqhimagayumi ilanga 12(8)-mi;
- (i) pittiarlugu hunavaluk Kamisinam Atan'nguyat Katimayiinni ihariagukpagu atuqtakhaq maligiangani uuminnga maligarmik ataani titiraqhimagayumi 13-mi, ilaqluni ilainnik ihumagiayayunik uqautigiyaukhanik atulirumikku taiyahimayumi titiraqhimagayumi 13(3)-mi (4)-milu;
- (i.1) ihumagilugu akikhangit titiqqangit naunaitkutingillu atauttimuungittumik pihimayukhak pitqutivlugu Ilitariyauyt Uqauhiitgit Atuquiniq Manikhangit piliurhimayuq titiraqhimagayumi 13.1;
- (j) pittiarlugu atulirniq pihimanialu naunaitkuttiqhimayut inuit katimayiuyulluunniit titiraqhimagayumi 39-mi; unalu
- (k) pittiarlugu hunavaluk Kamisinam Atan'nguyat Katimayiinni ihariakpagu aturiangani piyakhat iluaniittullu uuma Maligaum.

Inmiguurniq tutqikhiyauyuq

(2) Una titiraqhimagayuq hakugingnkhainnik tunihinngittuq Kamisina Atan'nguyat Katimayiinni maliruagakhaluriangani mikhaagut maligaliurviup, Nunavunmi Maligaliqiyitkuulluunniit Naammaguhunngittulluunniit Apiqhurvianut.

Aallat piyakhat haviagiangani

- (3) Tikitinnagit hitamat tatqiqhiutin maliruagakhaq atuqtauliqtinnagu Kamisinamit Atan'nguyat Katimayiinni ataani titiraqhimagayumi (1)-mi,
- (a) piyayumayuq maliruagakhaq iliyauniaqtuq *Nunavut Gazette-mi*, Inuit Uqauhiinnut numiktiqtauhimaluni kangiqhitjutikhaniglu qanuq ilauyumayut inuit uqariangani piyakhainnik talvuuna maliruagakhakkut;
 - (b) kangiqhitjut piumayuayumik maliruagakhamik, naunaiarlugu aatjikkutaa taaffuma Inuillu Uqauhiinnut numiktiqhimayaakhaata pilaarumikku kangiqhitjutiniklu qanurlu inuit uqarumagumik uqarvikhaanik piumayuayukkut maliruagakhakkut, titiraqtauhimayukhaq atauhirmi taiguaqtakhami makpiraami tuyuqtauliqpaktuni Nunavunmut; unalu
 - (c) Minista kangqihipkarniaqtaa Uqaqtittiyi Nunavut Tunngavik Incorporated-kullu, tiliyauhimayut Qaplunaatut Uiviititullu uqauhiqaqtut nunallat, piqaqqat, tahamna uukturumayayuq maliruagakhaq makpiraaliuqtaukpat pitquhimayaagut titiraqhimagayumi (a)-mi.

Unniutjut hananikkut qanuriliurniagut

(4) Ikayurahuarlugu akhurnia piyauyukhaq titiraqhimayumi (1)-mi, Minista tunihiniaqtuq unniutjunmik Kamisinamut Atan'nguyat Katimayiinni, naunaiyarlugit qanuriliurutit piyahimayut tukhiriagani pilutiglu inungnit aallanilluunniit tuhariangani mikhaagut maliruagakham, Ministam qanuq malikpagaa titiraqtauhimayuq Ilangani 32-mi Nunavut Nunataarnkkut Angiqatigiigutimi immaqaaglu qanurlu maliruagakhaq piumayauyuq kiuvagait ihumagiayayut uqautigiyauvaktut katimaqatigiigkhutik maliruagakhakkut ataani lu uuma titiraqhimayup.

Unniutjut piumayuayumi maliruagakhakkut

(5) Minista tuniniaqtaa unniutjut taiyahimayuq titiraqhimayumi ilanga (4)-mi Uqaqtittiyimut Maligaliurvingmi.

Uqautigiyaa unniutjut

(6) Uqaqtittiyip uqautigitquniaqtaa unniutjut Maligaliurviup hivuani qilamik ihuaqqat.

Katimaqatigiingnikkut naunaitkuttiqtuivik

39. (1) Minista atuqtipkaiyughaq pihimalunilu, maliglugit maliruagakhat, naunaitkuttiqtuivingmik inungnik katimayinigluunniit mikhaagurluni uvuna

- (a) titiraqhimayuq 38-mi; unaluunniit
- (b) katimaqatigiingniq ilagiiglutigluunniit havaqatigiingniq hunamut quyaginnaq pinahuaqtaat ataani lu uuma Maligaum.

Aturniq naunaitkuttiqtuivingmik

(2) Taamna Minista miitiqatiginiaqtait tamait kitku inuk timiuyuqluunniit ittuq atiliurvikkmi tapkununga hulininirnut uqaqtauhimayut maliruagakhani.

Kinamut piyaqaataarniq

(3) Inuk ihivriuqtaaqtaa taamna atiliurvik upautiluni naunaiyarhimayuq havavik talvani kavamatkut havavikkut ikaarninginni, tukhiqlunilu taamna atiliurvik tuniyauluni ihivriuqtauyughaq.

NUUTITAULAARNIQ

Angiqatigiigutit

40. Angiqatigiigutit hanayauhimayut Kavamainnit Nunavutim atuqtauliqhimayullu upluani una Maligaq atuqtauliqtillugu ihumagiplugit kiinauyaliquinirlu atuqtukhaniglu pipluni ikayuutikhanigluunniit hunallu turaangayut atulirnianut uqauhiliqinirmut piyakhanut, atuqtauhimmaarniaqtut maliglugit maliktakhatik, Kavamaillu Nunavut aulahimaittunik pitjutikhatik pihimaniaqtait, piyakhatik kiunnaqtullu aatjikkutaanik atuqtauhimayunit kinguagut una Maligaq atuliqtinnagu.

Uqauhiliqinirmut Kamisina

41. (1) Inuk havaktiuyuq Uqauhiliqinirmut Kamisinaupluni talvani uplurmuni una Maligaq atuqtauliqtillugu havaarihimmaarniaqtaa tikkuaqtauhimayut illuni

titiraqhimagayumi 16(1)-mi, kihimi havagluni inriangani nutqarvikhaata uplua tikitpat
aatjikkutaatut Uqauhiliqinirmut Kamisinam.

Piutigiyaq, pitjutigiyauyut piyakhauyullu

(2) Kihiani ahiagut titiraqhimagpat uvani Maligarmi, Uqauhiliqinirmut Kamisina
piqarniaqtuq pitiqautikhanik, pitjutigiyauyunik kiunnaqtullu atuqpagait Uqauhiliqinirmut
Kamisinam una atuqtinnagu Maligaq.

Qanuriliurniq apiqhuivingmi

42. Apiqhuqtaunirmi Uqauhiliqinirmut Kamisina ilaugumi una Maligaq atuliqtillugu
pihimmaalaaqtaa akirariluguluunniit Uqauhiliqinirmut Kamisinam aatjikkutaanut
pihimmaarnianut akirariluguluunniit Uqauhiliqinirmut Kamisinam una Maligaq
atuliqtinnagu.

Ilihimaluhi

**Hapkuat ilaujjutit piiyaqtauhimaliqtut pitjutinginni uumani
atauttimungaqtirnirmut: s.43-mit talvunga 47-mut (Angitqiat Ihuarhautigiyauyut)**

UTIQTIPHAARNIQ

Utiqtiphaarniq

**48. Iilitariyauhimayunut Uqauhirnut Maligaq, R.S.N.W.T. 1988,c.O-1,
aatjikkuiuqhimayuq atuqtakhaa Nunavut titiraqhimagukkut 29-mi Nunavut
Maligaani (Canada), utiqtiphaaqtauyuq.**

ATUQTAUNAHUALIRNIQ

Atuqtaunahualirniq

**49. Una Maligaq ilanganiluunniit Maligaum atuqtaulirniaqtuq uplurm
uplurniluunniit ihuaqhihimayaagut pitquplugu Kamisinam.**